

禮記章句

禮記卷之五

烏程盧葆辰子

同邑程夢元賦園

婺源汪

紱雙池章句

後學

同邑俞

潢桓漳

校字

同邑余家鼎彝伯

禮器第十

此篇大意以忠信為本。而文則惟其稱中。間雜舉器數為言。要不外稱情立文之意。而首尾則歸於忠信為主。較之上篇之言。更為切實。醇正云。取篇首禮器二字名篇。凡二十二章。

禮器是故大備。大備盛德也。禮釋回。增美質。措則正。施則行。其在人也。如竹箭之有筠也。如松柏之有心也。二者居天下之大端矣。故貫四時而不改柯易葉。故君子有禮則

外諧而內無怨。故物無不懷仁。鬼神饗德。筠音勻。○器猶

學禮之質。卽下章所謂忠信也。大備。備禮義於身也。釋消

同邪措置也。箭小竹筠竹之青皮。柯枝幹也。言學者先有

學禮之質。器故能大備禮教於其身。能備禮於一身。則其

德盛矣。禮之所以能成德者。以其能消人同邪之心。而增

益其質。器之美。措之一身。則無不正。施之於事。則無不通。

故君子而能備禮於躬。則如竹箭之有筠。其文外著。如松

柏之有心。其本內存。雖歷歲寒之變。而亦可以永貞。其遇

矣。忠信篤敬。故外無不和之氣。正己無求。故內無怨尤之

心。外諧則足以動物。而物無不懷仁。內無怨。故可合於神

明。而鬼神饗德矣。所謂盛德者。如此。釋同增美。禮之成。其

德於內也。措正施行。禮之成。其德於外也。德成於內。如松

柏之有心。文見乎外。如竹箭之有筠。外諧。筠之著也。內無

怨。心之貞也。凡後章所謂外。○先王之立禮也。有本有文。

忠信。禮之本也。義理。禮之文也。無本不立。無文不行。立猶

不日。制而日立者。重本之意。盡己之謂忠。以實之謂信。在

物爲理。處物爲義。先王制禮。本因人有是忠信之德。而因

揆度事物義理以爲之節文。故節文無常。惟實心之是稱。苟無其本。則理爲虛文。然有是實心。而無節文。則亦無以行之。本末不可相遺也。蓋無本不立。故必有載禮之器。而後能大備於禮。無文不行。故必至於大備。而後可稱盛德。禮以器而備。器又以禮而美。益增。故繼上章而言此。以示人也。然上章主學者言。此章以先王之制禮言。通篇推廣。禮文爲言。而實不。○禮也者。合於天時。設於地財。順於鬼神。合於人心。理萬物者也。是故天時有生也。地理有宜也。

人官有能也。物曲有利也。故天不生。地不養。君子不以爲

禮。鬼神弗饗也。居山以魚鼈爲禮。居澤以鹿豕爲禮。君子

謂之不知禮。設猶施也。因地宜而設施之也。理治也。官猶

謂之不知禮。主也。謂人之材也。曲一偏也。言禮必合天時。

因地財順鬼神。合人心。以品節夫事物之宜者也。天時各

有所生。地利各有宜。人心各具本然之能。物曲各有自

然之利。苟非天時所生。地理所宜。而用之以爲禮。則是拂

乎物理。事宜而徒爲觀美。人心忠信之能。亦以薄矣。拂乎

禮器第十

二

人心物理之必然則亦拂乎天地鬼神故君子不以爲禮鬼神弗饗也居山二句又舉非地之所養者以明之故必舉其定國之數以爲禮之大經禮之大倫以地廣狹禮之薄厚與年之上下是故年雖大殺眾不匡懼則上之制禮也節矣殺色界反○定國之數其定國賦稅所入之常豐荒犬殺下也匡與恒同恐也禮必合天時因地財而不可以奢費徒事觀美故有國者必通計其定國租入之數以定國用之經制焉以地之廣狹定禮用之倫敘視年之上下而行禮又因爲損益亦合天時設地財意也節以制度不傷財不害民則內有以立其忠信之心○禮時爲大而外不拂乎事物之義理順鬼神合人心矣○禮時爲大順次之體次之宜次之稱次之蓋時變出於不得已則有權於常經之外而實所以善其經者也爲大者難之之意順順其經常之道也體者幽不可見而實與物爲體因體其性情功效以禮之也宜事物之宜也順也體也宜也皆禮之經也稱者因情以立文而爲豐殺之節使本因文而

行。文亦以本而立也。此禮之緯也。上章已堯授舜。舜授禹。有稱字之意。自此章以下。則皆以稱言之。

湯放桀。武王伐紂。時也。詩云。匪莪其猶。聿追來孝。

革音棘。父子

繼世。君臣定位。常也。舉天下而授之人。及伐君而代其位。非常經矣。然開草昧之治。非聖人無以勝任。際毒痛之至。非征伐無以救民。故揖讓征誅。時爲之耳。然權非聖人不可行也。此時之所以爲大也。詩大雅文王有聲之篇。文義小異。革急猶謀也。言武王非急其利。天下之謀也。亦以先王有安天下之心。而大勳未集。故承先王安天下之德。而成之。乃所以追來孝耳。引詩爲言。天地之祭。宗廟之事。父又以見權之正。所以善其經也。

子之道。君臣之義。倫也。

萬物本乎天地。人本乎祖。恩莫篤於父子。義莫嚴於君臣。此人道之

大經也。不及夫婦兄弟朋友者。舉重以該之耳。順理守經。此人人之所當盡者也。故順次之。

社稷山川

之事。鬼神之祭。體也。

鬼神無形。與聲而體物不遺。因其體而報祭之。故曰體。民義以明。而鬼神

以幽。故喪祭之用。賓客之交。義也。

倫體禮之綱也。報本追遠之用。講信修睦之交。

所以處物之義而為倫體之節目者也。羔豚而祭，百官皆故宜又次之。此皆所謂義理禮之文也。

足犬牢而祭，不必有餘。此之謂稱也。諸侯以龜為寶，以圭

為瑞，家不寶龜，不藏圭，不臺門，言有稱也。

稱去聲。禮必有稱，舉二端以

見其略也。或豐或儉，皆協乎物宜而合於人心，以將誠耳。故謂之稱。國有守龜，以作大事。大夫有則用之而已，無常

龜也。圭，王者所頒為諸侯之瑞，非大夫所藏也。臺門，築土為臺而於其上，屋之以為門，亦諸侯之禮也。有其實而後

有其文，稱情以立。○禮有以多為貴者。天子七廟，諸侯五

大夫三，士一。

其施廣博者，其報本深遠，其施狹小者，其報本淺近，皆稱情以立文也。

天子之

豆二十有六。

天子朔食之豆數。

諸公十有六，諸侯十有二。

更相朝時堂上

之豆數。

上大夫八，下大夫六。

主國食使臣堂上之豆數。

諸侯七介，七牢。大

夫五介，五牢。

介，副也。牢，太牢。介以通命，牢以禮賓。介牢各視其命數。大夫使則各降其君二等，此舉其

概言天子之席互重諸侯之席三重重平聲大夫再重舊說天子

皆三重重三重則四席再重則三席天子崩七月而葬五重

八翬諸侯五月而葬三重六翬大夫三月而葬再重四翬

七月而葬待同軌之至也五重謂茵及杭木茵以藉棺用淺緇布夾爲之著茅秀及香草其中縮二橫三爲一重杭

木所以杭戴於上下棺之後置杭木於棺上亦縮二橫三上加杭席三比爲一重如是者五則亦五重也八翬黼二

黻二雲四五月待同盟之至六翬黼二黻二雲二三月待遠親之至四翬黻二雲二凡此以治功遠者用物宏治功

狹者用物少也此以多爲貴也總上有以少爲貴者天子無介祭

天特性無介者天下爲家無爲賓之義也牲用特貴誠也天子適諸侯諸侯膳以

饋諸侯相朝灌用鬱鬯無籩豆之薦大夫聘禮以脯醢膳用

饋諸侯事天子如天子之事天也周禮諸公再裸而酢諸侯一裸而酢子男一裸不酢是享諸侯皆灌用鬱鬯諸侯



相朝禮亦然也。大夫來聘享之。天子一食諸侯再。大夫士則有脯醢皆貴誠尚德之意也。

三食力無數。禮食天子一飯而告飽。諸侯再飯而告飽。大夫士三飯告飽。御食者勸侑而後加餐。自食

其力者則飽而自止。無告飽之節也。大路繁纓一就。次路繁纓七就。反○路

車也。大路商路祭天所乘。繁馬腹帶纓鞅也。當馬之膺繁之下垂者也。用五采織屬爲之。一匝曰一就。郊特牲云。次

路五就。此云七就。字之說也。圭璋特琥璜爵。半圭曰璋。諸

然此與周禮不同。未能詳考。圭璋特琥璜爵。侯朝王以圭。

朝后以璋。執以通信。合瑞而已。不以他物儷之。故曰特。周

禮小行人掌合六幣。圭以馬。璋以皮。然皮馬不上於堂。惟

圭璋特也。琥璜玉爲虎形。璜半璧也。享君束幣加璧。主君

享使奠酬將幣以琥。享夫人束幣加琮。夫人享使將幣以璜。故曰琥璜爲輕也。鬼神祭單席。異於人道。不諸侯視

爲重。而琥璜爲輕也。鬼神祭單席。異於人道。不諸侯視

朝。大夫特士旅之。此以少爲貴也。特。特揖之也。旅之者。士

有以大爲貴者。宮室之量。器皿之度。棺槨之厚。三封之大。

此以大爲貴也。量去聲。○凡以優尊養望著威重也。有以小爲貴者。宗廟之

祭。貴者獻以爵。賤者獻以散。尊者舉觶。卑者舉角。五獻之

尊。門外缶。門內壺。君尊瓦甒。此以小爲貴也。散去聲。甒音武。○爵受一

升。散五升。解三升。角四升。尊酒尊缶。大尊。壺受一石。甒五斗。獻。獻尸。舉。舉酬也。尊之小者。近君。其大者。諸臣之所酢也。此猶貴少之意。其有以高爲貴者。天子之堂九尺。諸侯

禮制則今難悉考矣。有以高爲貴者。天子之堂九尺。諸侯

七尺。大夫五尺。士三尺。天子諸侯臺門。此以高爲貴也。臨

廣者。其處高。臨下狹者。其處卑也。有以下爲貴者。至敬不壇。埽地而祭。天

子諸侯之尊。廢禁。大夫士櫨禁。此以下爲貴也。掃色報反。櫨鳥據反。

○埽地而祭。謂郊祀也。禁。櫨。皆承尊之器。以木爲之。禁長四尺。廣二尺。四寸通局。足高三寸。漆赤中。畫青雲氣。菱荇

爲飾。又刻足爲拳。帷之形。櫨。制同禁。而無足。廢禁。不用禁也。大夫用櫨。士用禁。蓋其高有在。不必藉物以顯其高也。

禮記集說卷之五 禮器第十 五

禮有以文爲貴者。天子龍袞，諸侯黼。大夫黻，士玄衣纁裳。

袞，衣裳九章。一曰龍，二曰山，三曰華蟲，鸞雉也。四曰火，五

曰宗彝，虎也。皆繪於衣。六曰藻，七曰粉米，八曰黼，斧形。

九曰黻，兩己相戾，皆繡於裳。周制：上公同袞冕，侯伯鷩冕，

自華蟲以下，子男毳冕。自宗彝以下，大國之孤卿，皆冕。則

升粉米以繡於衣。大夫玄冕，玄衣黻裳而已。孔氏曰：九章

七章以下，其中有黼，皆冕而下。其中有黻，故特舉黼黻爲

言。士玄衣纁裳。天子之冕，朱綠藻，十有二旒。諸侯九，上大夫

七，下大夫五，士三。此以文爲貴也。藻，采也。以五采之纁貫

朱綠，舉其概也。周制：上公九旒，侯伯七旒，子男五旒。公卿

四旒。大夫三旒。此言諸侯九，上大夫七，下大夫五，士三，不

合周制，失所考矣。凡此有以素爲貴者，至敬無文，父黨無

其德盛者，其文著也。

容。大圭不琢，大羹不和，大路素而越席，犧尊疏布，罍，櫛杓。

此以素爲貴也。琢，當作篆和去聲。越，官活反。鼎，莫力反。櫛，

音展。杓，裳約反。○無文，不爲文飾也。無容，

不敢飾為容儀也。大圭天子所膺，長三尺，不篆刻為文飾。太羹、太古之羹，涪、煮肉汁，不用菜和，猶玄酒之意也。大路，越席，路車中以蒲秸為席，不用茵褥也。轎尊，畫牛於尊腹，以粗布覆鼎之，檀木名，色白，以檀為杓，不用雕漆也。凡此皆致其誠敬，不為外飾之意也。孔子曰：禮不可不省也，禮不同，不豐，不殺。

此之謂也。蓋言稱也。

省，悉。并反。殺，色界反。稱，去聲。○省，察也。先王制禮，豐殺不同，然必稱情立

文，故取數多而不為豐。取數寡而不為殺，其所以當然之故。學者所當深察。此孔子之言也。記者引之以結上文。而

又言其所謂不豐不殺。○禮之以多為貴者，以其外心者

也。德發揚，詡萬物。

大理物博如此，則得不以多為貴乎。故君子樂其發也。

詡，荒雨反。樂，五教反。○承上章而申其義也。詡，溥徧也。心非有內外，而言外心者，言

忠信之心著顯於外也。盛德之發揚，有足以溥徧萬物者，以其理之所本者盛大，故其及物也亦廣博，而非取數之多，不足以稱其德矣。此如天子繼天出治，則天下羣仰為君父，故用物非多不足以稱其實也。然有是備物之用而

非有揚誦萬物之德則亦不足以稱之君子省之而欲其稱則博施濟眾之懷亦有所不能已矣故君子樂其實心也發禮之以少為貴者以其內心也德產之致也精微觀

天下之物無可以稱其德者如此則得不以少為貴乎是

故君子慎其獨也

內心言忠信之心存於內也產生也猶根本也言至德本原之地致趣精微有

非物所可比擬者此如天載之無聲臭自不得不以稱之少也然有是貴少之文而無精微之德則亦不足以稱之君子省之而欲其稱則正心誠意之脩亦有所不能已矣故君子反觀而慎其獨也○此二節舉多少以該大小高下文質以申明稱之義外心即竹箭之有筠內心即松柏之有心貴多貴少者義理之心而樂發慎獨者忠信之本也

古之聖人內之為尊外之為樂少之為貴多之為美是

故先王之制禮也不可多也不可寡也唯其稱也

樂音洛○內內

心也尊者恭敬稟承之意即慎獨也外外心也樂樂發也貴謂物無可稱美發揚誦物也內心以慎獨則貴少也稱

矣。外心以樂發則貴多也。稱矣。貴少。所以稱其內心也。貴多。所以稱其外心也。然則先王之制禮也。稱情立文。各有其當然。而確乎不可踰越。所可見矣。是故君子大牢而祭。謂之禮。匹士大牢而祭。謂之攘。攘如羊反。○君子以德居。位者也。謂之禮。稱也。管仲鏤簋朱紃。山節藻梲。君子以為濫矣。管仲。齊大夫。名夷吾。鏤。簋。刻鏤以為簋飾也。紃。冕之係也。以組為之。天子朱。諸侯青。大夫士緇。節。柱頭斗拱。梲。梁上短柱也。刻山於節。畫藻於梲。此天子。晏平仲祀其先諸侯之廟。飾。管仲僭之。濫於多而不稱也。

人。豚肩不揜豆。澣衣濯冠以朝。君子以為隘矣。朝音潮。○大夫。名嬰。大夫少牢。而晏子以豚。且併豚兩肩。不足以揜一豆。豚肩在俎。非在豆。此甚以言其小耳。此寡以隘而不稱者。是故君子之行禮也。不可不慎也。眾之紀也。紀散而

眾亂。達。或濫或隘而不稱。則僭亂相仍而亂作矣。孔子

曰我戰則克祭則受福蓋得其道矣

論語曰子之所謂道者亦慎戰疾所謂道者亦慎

之而已慎則內存忠信之心而文必義理之比所謂稱也故受福孔子自言如此以示人知所省而記者引之以結上文○君子曰祭祀不祈不麾蚤不樂葆大不善嘉事牲

不及肥大薦不美多品

麾音揮樂音洛葆音保○雲莊陳氏曰君子記者自謂也祭有常禮

不為祈福周禮太祝掌六祈蓋有故則行之非常典也快也祭有常時不以先時為快葆裹也器幣有定制不以裹大為樂嘉事冠昏之事奠告有常儀不為善之而更設他祭及猶至也郊牛角薦栗宗廟角握各有所宜不必皆及肥大薦祭之品味有定數不以多品為美愚按揆於義理以達其忠信之心則得祭之道矣乃所謂稱也此承上章而專以祭禮言下○孔子曰臧文仲安知禮夏父弗綦

章又言不稱之失也

臧文仲魯大夫名辰夏父弗綦亦魯大夫

逆祀而弗止也

逆祀躋僖公也魯莊公卒慶父弑子般立

閔公二年復弑閔公季友立僖公而誅慶父僖公雖閔公之兄然閔公先立則僖公嘗為其臣矣故僖公廟次自在

閔公之下。及文公二年八月。有事於太廟。夏父弗綦爲宗人。以爲僖兄閔弟。乃躋僖公於閔公之上。失禮甚矣。時文仲爲正卿。而不能正。燔柴於奧。夫奧者。老婦之祭也。盛於其失。故孔子譏之。

益尊於瓶。

奧當作爨。夫音扶。盛平聲。○周禮以實柴祀日。月。星。辰。以槱燎祀司中。司命。鬯。伯。兩。師。以其爲

在天之神。故燔燎以升其氣於上而祀之也。宗廟之祭。至尸食畢。而祭爨神。宗婦祭饔饔。烹者祭饗饗。其神則先炊。所謂老婦也。弗綦爲宗人。以爲爨本火神。遂燔柴以祭之。故夫子譏之。而明其義。以見文仲之不能正爲不知禮也。

○禮也者。猶體也。體不備。君子謂之不成人。設之不當。猶

不備也。禮有大有小。有顯有微。大者不可損。小者不可益。

顯者不可揜。微者不可大也。故經禮三百。曲禮三千。其致

一也。未有入室而不由戶者。

當去聲。○體。身體也。不當如

貴多。小貴少也。顯。發揚。謂物微。德產精微也。損之益之。揜

之大之。則不當不稱矣。蓋以禮之文言。則三百三千。其間



多少大小高下文素至爲不同。然要之稱其顯微之實而  
本以忠信之心。則其致一也。苟不求其義理而妄以己意  
損益之。則必不當不稱。而不成其爲禮矣。是入室而不由  
戶也。朱子曰。經禮卽儀禮中如士冠諸侯冠天子冠禮之  
類。大節有三百條。曲禮如始加再加三加。又坐如尸立如  
齊之類。其中小日有三千也。趙氏曰。經禮冠昏喪祭朝聘  
會同之類。曲禮進退升降俯仰揖遜之類。○自此章以上  
皆反復明禮之欲其稱。欲人致省其當然。而無以僭妄失  
之。○君子之於禮也。有所竭情盡慎致其敬而誠若。有美  
而文而誠若。竭情則無僞盡慎則不苟致敬則無貳無雜  
而光輝又成章而有以多爲貴外心亦誠也誠忠信君  
也若語辭承上章而言義理之文要必以忠信爲本也君  
子之於禮也。有直而行也。有曲而殺也。有經而等也。有順  
而討也。有擻而播也。有推而進也。有放而文也。有放而不  
致也。有順而撫也。殺色界反擻音芟放上聲撫遮拾反○  
直情而行情之至者不事文飾也委曲

而殺其情。分之所在。以義斷之也。常經而等之。恩義之至者。如君父喪。皆三年是也。順其序而討去之。親親之殺。尊尊之等也。漸此而播之。彼若婦之降。私親而隆夫家。義之分也。推下而進之上。若杞宋天子之事。守周公之追王。上祀。仁之至也。放而致其文。以昭德也。放而不致其文。以明分也。撫。拾也。惟其可用。則拾取而用之。無所嫌疑者也。此又貴多。貴少。中間之節目。皆義理之權衡。而人所不可不省者。人能一本於誠。而又於此察之焉。則庶幾可以無不稱之矣。三代之禮。一也。民其由之。或素或青。夏造殷因。失矣。三代之禮。一也。民其由之。或素或青。夏造殷因。之禮不同。然同本以誠若之心。而協於義理之稱。此其所以爲善。而民皆率由之。其所損益。不過文章制度小過不及之間。如殷之尙白。異於夏之尙黑耳。其若義理之大體。合於人心。而理萬物者。則夏之所造。殷皆因之。而不能變也。變黑言青者。周坐尸。詔侑武方。其禮亦然。其道一也。武當作以叶韻耳。上文而舉祭禮言之。周人之祭。尸坐而不立。其詔禮侑食之人。皆惟當告則告。而無一定之方。其禮亦猶素青之異尙耳。其義理之所當。夏立尸而卒祭。殷坐尸。夏禮尸惟飲由者。則初無不同也。夏立尸而卒祭。殷坐尸。食則坐。非飲

食時則立以終祭。殷人則坐尸。殷因周旅酬六尸。曾子曰：夏而損益之。周又因殷而損益之也。周禮其猶釀與？釀其庶反與平聲。○周之坐尸與殷禮同者。三昭三穆蓋祫祭之時然也。不及太祖者特尊之也。釀斂錢共飲酒也。曾子言此猶世俗之釀言飲均而情洽也。三代損益雖有不同而其道則一。蓋於祭之一端而可見矣。○此章言禮以誠為主而義理則各有其稱。三代之因革損益莫不皆然。蓋以申明篇首第二章之意也。○君子曰：禮之近人情者非其

至者也。郊血大饗腥三獻爛一獻孰。○祭先殺牲以血氣祭然。後獻腥爛。終於獻孰。宗廟大饗則血毛與腥並薦。社稷五祀之祭三獻。則血腥爛皆一時同獻。羣小祀獻孰而已。此言郊血大饗腥云者。據先設者為言也。蓋致敬之道不徒飲食之需而節文之詳具有深遠之義。禮雖本於人情然始皆直情而徑行則文無足觀而情亦以流於褻。故是記者謂禮之近人情者非其至者而先舉四者以證之。是故君子之於禮也非作而致其情也。此有由始也是故七

介以相見也。不然則已慤。三辭三讓而至。不然則已蹙。慤苦

覺反。蹙子六反。○作起也。致猶行也。七介以諸侯言。慤愿

直蹙迫狹也。由郊饗四者觀之。則君子之於禮非徒起而

徑行其情已也。有不忘本始之意焉。如先以血腥者不忘

茹毛飲血之初意也。凡事莫不有由始。故交必有因而前

事必以漸而至。有因而後著其敬。有漸而後得其和。兩君

相見必先以介紹。不然則太愿慤而流於褻矣。必行以揖

讓。不然則太迫蹙而近於嗔矣。禮本人情而行之必以節

文。出之必以退。孫淺觀焉。若近於迂而深省焉。則有以見

其爲事理之當然。有不如此而不可者是。若遠於情者。正所以善其情。此禮之所以能釋回增美也。故魯人

將有事於上帝。必先有事於顓宮。晉人將有事於河。必先

有事於惡池。齊人將有事於泰山。必先有事於配林。三月

繫七日戒三日宿。慎之至也。○顓音泮。惡汪胡反。池徒河反。

則先於顓宮。奠告后稷。以將奉稷配天。故欲因稷而先達

於上帝。亦介紹之義也。河晉望惡池。亦晉川名。泰山齊望。

醢林亦齊晉之山也。蓋晉齊以惡池醢林從祀於河岱也。三月滌牲七日散齊三日致齊也。介紹而後敢通。戒宿而後敢祭。唯恐其失。故禮有擯詔。樂有相步。溫之至也。相去之於慤。慎之至也。故禮有擯詔。樂有相步。溫之至也。如字。○擯。主使接賓者。詔。相禮也。相。樂器拊也。樂記曰。治亂以相。以節舞者之行步。故曰相步。溫。和柔也。禮之進退揖讓。有擯相以詔之。樂之綴兆舒疾。有相鼓以節之。唯恐其失之於慤。和緩之至也。○此章言禮固以忠信爲本。而又不行。之也。無文。○禮也者。反本脩志。不忘其初者也。故凶事

不詔。朝事以樂。

朝音潮。○本者。人心之本然。古者事之所由始。反本脩志。皆不忘其初也。不忘其初。

存忠信也。哀樂人心之大端。故舉凶事朝事言之。雲莊陳氏曰。擯踊哭泣。不待詔告。以其發於本心之自然也。朝廷養老尊賢之事。必作樂以樂之。亦以愜其本心之願望也。此二者反本之事。

醴酒之用。玄酒之

尙。割刀之用。鸞刀之貴。莞簟之安。而橐鞾之設。

莞音官。鞾江八反。○

鸞刀。刀之有鈴者。莞。蒲席。簟。竹席。橐鞾。是故先王之制禮。穀稌也。雲莊陳氏曰。此三者脩古之事。

也必有主也故可述而多學也。雲莊陳氏曰。有主於反本者。有主於脩古者。但以此二者求之。則可以稱述而學之。不厭矣。○此章言禮必行之以文。然要歸主於反本脩古。則終所以立忠信之本耳。亦上章近人情。非其至之意也。蓋徑情無文。則恐流於慤蹙。縱情而不節。則恐流於奢僞。故禮所以治人情而已。賓介揖讓。亦以其外心也。反本脩古。亦以其內心也。末言可述而學。又以起下章之意也。○君子曰。無

節於內者。觀物弗之察矣。欲察物而不由禮。弗之得矣。故作事不以禮。弗之敬矣。出言不以禮。弗之信矣。故曰。禮也

者。物之致也。

無節於內。謂心之流蕩虛僞。而不忠信也。心流蕩而無節。則觀物必不肯察其事之所當

然。然有心於察物矣。而不循夫先王之禮以求之。則無所持。循又終無以得其理之。所以然也。不察不得。故作事出言。皆不以禮。而人亦弗之敬信。此禮之所以不可不學。而又非不忠信者之所能學也。致趣也。物理事宜之趣。皆於禮見之。故察物必由禮也。是故昔先王之制禮也。因其財

物而致其義焉爾。故作大事。必順天時。爲朝夕。必放於日

月。爲高。必因丘陵。爲下。必因川澤。是故天時雨澤。君子達

亶亶焉。

朝音潮。放。上聲。亶音尾。○致。推致也。朝。春分朝日。夕。秋分夕月。然。一日之朝夕。亦放日月以爲之節。

亶亶。強勉不已之意。言先王制禮。因天地本然之利。而致

其當然之用。順天時自然之運。因水土一定之勢。而效法

其當然之則。蓋由其有節於內。故觀物而能察其當然。察

之而有以知其所以然也。是故天有四時。風雨霜露。莫非

天理發見流行之實。昭著於上下。而其所以然者。則維天

之命。於穆不已。惟君子默契焉。有以達之。君子。卽指先王

也。先王達天而制禮。故學者必由先王之禮。而後有以察物也。是故昔先王。尙有德。尊有

道。任有能。舉賢而置之。聚眾而誓之。是故因天事天。因地

事地。因名山升中於天。因吉土以饗帝於郊。升中於天。而

鳳凰降。龜龍假饗。帝於郊。而風雨節。寒暑時。是故聖人南

面而立而天下大治

假音格○有德謂得於身者有道謂見於事者置立之於位也聚合也誓

陳也戒也聚眾而誓之謂合天下而陳列教戒之也○因天  
事天順天之道以事天也○中平也陳也○因名山升中於天  
謂巡守四嶽而柴望祭告以其治天下之功升告於天也  
吉土謂南郊卜吉地爲圜丘也饗帝於郊冬至郊祀也○曰  
天曰帝互文耳假至也於升中言鳳凰降龜龍假於郊言  
風雨節寒暑時亦互文也言惟先王達天故用人而人當  
其位教民而民從其教然後因天道以事天用地宜以事  
地而鬼神饗之休徵畢至是以無爲而天下治蓋以其一  
言一動無非天道而天下敬信之所謂德盛而民化也先  
王之言動自無非禮而學者之言動必由於先王之禮則  
人亦無不敬信之矣此又與篇首第三章之意首尾相發  
也○雲莊陳氏曰升中於天其瑞物之臻休徵之至理或  
然耳而後世封禪之說遂根著於此

○天道至教聖人至

德廟堂之上壘尊在阼犧尊在西廟堂之下縣鼓在西應  
鼓在東君在阼夫人在房大明生於東月生於西此陰陽



之分。夫婦之位也。君西酌犧象，夫人東酌罍尊。禮交動乎

上，樂交應乎下。和之至也。

縣音玄。○罍尊，刻尊爲雲雷之形者。縣鼓，大鼓。應，小鼗。與縣鼓

相應者也。禮樂之器，以西爲上。故其陳列如此。房，東房也。大明，日也。夫人立在東房而行禮，時則出在西階之上。猶月之合朔於日，而明則漸生於西也。承上章言天道運行，莫不示人以有當然之理。而唯聖人達天，以備其理於身，則聖人之至德也。先王之禮，莫非先王之德，亦法天而已。故因舉祭禮以明之，而言其夫婦之位。猶日月之行，禮樂之交動，由陰陽之交會，和之至也。由先王之禮而察其義，亦可以知天道之教矣。

○禮也者，反其

所自生，樂也者，樂其所自成。是故先王之制禮也，以節事

脩樂以道志，故觀其禮樂而治亂可知也。蘧伯玉曰：君子

之人達，故觀其器而知其工之巧；觀其發而知其人之知。

故曰：君子慎其所以與人者。

樂其之樂音洛。道去聲。知故之知音智。○禮主於報本反

始是反其所自生也。樂主於歌功象德。是樂其所自成也。  
先王本天地之序以制禮。所以品節事物。當然之理。以爲  
人之儀則。使人率由之。而無失其所得以生之理。本天地  
之和以脩樂。所以宣道人心。中和之氣。以和順於道德。使  
人鼓舞焉。而自然以底其德於成。是反生樂成之教也。乃  
先王之禮樂廢。而慝禮淫樂興。則煩文縟節。道欲增悲。則  
治日隳。而俗日敝矣。達伯玉衛大夫達。卽有節於內而觀  
物能察者也。引伯玉之言。以證觀禮樂而治亂可知之說。  
又言禮樂者。人之所以與人交接者也。苟不慎而入於淫  
慝。則人必不敬信之。而且知其不免危亡矣。君子慎其所  
以與人者。蓋亦古語。而記者引之也。此章言觀人脩己。皆必言先王之禮也。○大廟之內敬矣。

君親牽牲。大夫贊幣而從。君親制祭。夫人薦盥。君親割牲。

夫人薦酒。從去聲。○君親牽牲。迎牲門外。而親牽以入也。

牲肝以祭神於室也。盥盥齊割牲。分裂牲體也。諸侯祭禮儀節。今難詳考。宜姑闕之。卿大夫從君。命

婦從夫人。洞洞乎其敬也。屬屬乎其忠也。勿勿乎其欲其

饗之也。

洞上聲屬音燭。命婦世婦及卿大夫妻納牲詔也。洞洞虛靜貌。屬屬肫摯貌。勿勿切切也。

於庭。血毛詔於室。羹定。詔於堂。三詔皆不同位。蓋道求而

未之得也。

定丁令。取血毛以入告神於室。羹定烹熟而羹成也。時

將迎尸入室而先告神於堂也。道言也。言求神之所在而未得也。

設祭於堂。為祊乎外。故

曰。於彼乎。於此乎。

祊音崩。祭之始。朝踐於堂。迄明日。繹祭於廟。門外之西堂。故曰為祊乎外。祊

門外之祭也。祭禮以室中饋食為正祭。餘皆求神未得之意。於彼乎。於此乎。亦古語而記者引之。○因前章言祭事。故此及下三章皆雜舉祭禮。

而繹之。欲人之深省其義也。

○一獻質。三獻文。五獻察。七

獻神。羣小祀一獻質。簡略也。社稷五祀及土祭其先。皆三

禮文詳備也。侯伯之宗廟七獻。神。即上章求而未得於彼於此之意也。

○大饗其王事與。三

牲魚腊。四海九州之美味也。饗豆之薦。四時之和氣也。內

金示和也。束帛加璧，尊德也。龜爲前列，先知也。金次之，見情也。丹漆絲纁竹箭，與眾共財也。其餘無常貨，各以其國之所有，則致遠物也。其出也，肆夏而送之，蓋重禮也。與平聲○

此章所云，難以盡曉。大饗，先儒以爲大飴。三牲，牛羊豕。乾獸肉也。內金，未詳。劉氏謂後篇言鐘次之，以和居參之。則此言內金示和，亦取其聲之和耳。其或然也。束帛加璧，蓋諸侯來奉幣助祭也。示德，比德於玉也。金次之，金居龜之次，見情亦言見人情之和也。與眾共財，言眾所用，不貴異物之意也。致遠物，謂九州之外之來貢者，示服遠也。周禮，尸出入奏肆夏，賓出入奏陔夏，此蓋諸侯來朝與助祫祭，其陳設如此。篇首第三章，言舉其定國之數以爲禮之大經，以侯國之地有限，言故此章言備物如是，乃王者之事也。又或疑所謂大饗，當與後篇所言大饗同，是諸侯來朝之饗禮。今按束帛加璧以下之文，則或說似是。抑饗諸侯之與饗廟，古者禮賓如禮鬼神，其陳設皆相似歟。

○祀帝於郊，敬之至也。宗廟之祭，仁之至也。喪禮，忠之至

也。備服器。仁之至也。賓客之用幣。義之至也。故君子欲觀

仁義之道。禮其本也。

祀帝於郊。尚質貴誠。至敬無文也。宗廟之器。報本追遠。自仁率親也。喪禮

送死厚終。忠也。備服器。事死如事生。仁也。朝聘燕饗。尚德尊賢。輕財重禮。義也。欲察物而不可以禮。弗之得也。誠因禮

而省其義理之所存。則亦可以知仁義之道。心德存而時措之宜。出矣。○自無節於內。章至此。皆言義理禮之文。足

以釋回增美措。正施行。故察物不由禮。則弗之得。○君子言行不以禮。則弗之敬信。所以欲人之省其文也。

曰。甘受和白。受采。忠信之人。可以學禮。苟無忠信之人。則

禮不虛道。是以得其人之爲貴也。

和去聲。○人不忠信。則無節於內。雖有先王之

禮。而不察其義理之所存。是以越分僭踰。徒事文飾。而不知用之不稱也。非忠信之人。而可以學禮哉。此所謂無本

不立也。道猶行也。○此章乃言忠信禮之本。必有忠信之器。而後可以大備乎禮。苟其無節於內。則觀物弗之察。所

以警人之敦其本也。夫忠信之質。人人之所固有。所謂物與元妄者。豈真有生而不忠信之人哉。亦以汨於私欲而

滿之耳。然則人之所以養其性。天以無失其忠信之質者。又必有在。而存乎人之自勉矣。○孔子曰。誦

詩三百。不足以一獻。一獻之禮。不足以大饗。大饗之禮。不

足以大旅。大旅。具矣。不足以饗帝。毋輕議禮。大旅。先儒以

饗帝。謂郊祀。惟忠信者可以學禮。故徒驚辭華而矜博洽者。則雖誦詩三百。不足以一獻也。為禮愈大。則其稱之而有以感假也。愈難。至於饗帝。則惟仁孝誠敬之至。與天合德者。為實能之。不然。雖祭如未祭也。禮可輕議乎哉。議猶言也。即上章學禮之謂也。然此謂誦詩三百。不足以一獻者。亦為徒誦者言之耳。非謂真有得於詩者。而竟無一得於禮也。○子路為季氏宰。季氏祭。逮闇而祭。日不足。繼之以

燭。雖有強力之容。肅敬之心。皆倦怠矣。有司跛倚以臨祭。

其為不敬大矣。闇。天未明也。偏任一。他日祭。子路與室事

交乎戶。堂事交乎階。質明而始行事。晏朝而退。孔子聞之。

禮記章句卷之五 禮器第十一 五

曰誰謂由也而不知禮乎。與音預。朝音潮。○正祭事尸於室。外人將饌至戶。而室人於戶受之。以陳於尸前。既祭而釋賓尸於堂。堂下者將饌至階。而堂上者於階受之。以陳於尸前。質明正旦也。為時不久。則有司不至於倦怠矣。夫子路忠信質直。故敦敬敏而不事繁文。是為得禮之本。故孔子善之。記者引之。以證忠信之禮。人說也。

郊特牲第十一。此篇雜釋禮文。而以篇首三字名篇。篇中有義類確不相屬者。乃以圈界

之。其有義類可通者。則聽其連為一章。凡十九章。

郊特牲。而社稷大牢。天子適諸侯。諸侯膳用犢。諸侯適天

子。天子賜之禮大牢。貴誠之義也。故天子牲孕弗食也。祭

帝弗用也。特牲。一犢也。大牢。三牲也。犢未有牝牡之交。故曰貴誠。下獻上。貴其誠。上賜下。從其厚。餘略見

前篇。大路繁纓一就。先路三就。次路五就。次路。居先路之次者。餘音義見前篇。

郊血。大饗腥。三獻燭。一獻孰。至敬不饗味。而貴氣臭也。得氣

天之屬血腥之類也。臭草木之英鬱鬯之類也。皆氣之交於鼻者。以氣臭交於冥漠。達其誠而已。此釋用血腥之義也。諸侯爲賓。灌用鬱鬯。灌用臭也。朝宗親遇皆賓禮。賓諸

也。亦示以誠交之道也。大饗。尚股脩而已矣。大饗。饗諸侯也。尚上之也。肅加

薑桂者曰股脩。大饗用大牢。有豆簋。非止股脩。然設饌以

股脩爲上。蓋酒清人渴。肉乾人飢。畢獻而止。重禮而非飲

食之道也。此申大饗。君三重席而酢焉。三獻之介。君專席

不享味之事。而酢焉。此降尊以就卑也。重平聲。兩君禮敵。則席皆三

獻。三獻之介。即大夫也。卿大夫席再重。爲介則降一等。專

單也。主君獻介。介酢主君。君撤去兩重。而以單席受酢。降

尊就卑。不以饗禘有樂。而食嘗無樂。陰陽之義也。凡飲。養

陽氣也。凡食。養陰氣也。故春禘而秋嘗。春饗孤子。秋食耆



老其義一也而食嘗無樂飲養陽氣也故有樂食養陰氣

也故無聲凡聲陽也

食音嗣。○孤子死事者之子孫也。饗以酒爲主。食以飲爲主。此節釋有樂

無樂之義。據春禘之文。則禘字當作禴。或當作祠。然與周制不合。於夏殷亦無可考。鼎俎奇而籩豆

偶。陰陽之義也。籩豆之實。水土之品也。不敢用褻味而貴

多品。所以交於旦明之義也。

三。鼎。天子九。諸侯七。大夫五。士三。俎數如其鼎數。其有十鼎

者。倍鼎三也。是皆奇數也。籩豆若周禮醢人。籩人所掌。及前篇所舉。皆偶數。蓋鼎俎盛血氣之饌。而主之自君。故從陽。籩豆多水土之品。菹果薦自主婦。脯醢經脩治之功。故皆從陰。不敢用褻味。如菹茹。藟蒲之類。致潔敬也。旦明者。自夜而晝之交。神明之義也。賓入大門而奏肆夏。示易以敬也。卒爵而

樂闋。孔子屢歎之。奠酬而工升歌。發德也。歌者在上。匏竹在下。貴人聲也。樂由陽來者也。禮由陰作者也。陰陽和而

萬物得

易以豉反。此亦以饗諸侯言。奏肆夏。春秋外傳所謂肆夏。天子以饗元侯者。是也。易以敬和。易而

恭敬也。

卒爵而樂闋者。賓全庭而樂作。賓受獻爵拜而樂止。及賓酢主人。樂又作。主君卒爵而樂止也。歎之美之也。

奠酬而工升歌。

賓受酬爵。奠而不舉。樂工乃升歌也。發德

發揚古人之德也。

人聲得乎天。匏竹本於地。故貴人聲。樂

發揚是山陽來。

禮斂飭。故由陰作旅幣無方。所以別土地

陰陽和而萬物得。

據理以爲言也。

之宜而節遠邇之期也。龜爲前列。先知也。以鐘次之。以和

居參之也。虎豹之皮。示服猛也。束帛加璧。往德也。

參七。南反。○旅

陳也。陳幣無定貨。而惟其土之所宜。執壤奠亦無定數。而

惟以道里遠邇節厚薄也。以和居參之。言以鐘聲之和參

置於庭。實之間也。往猶

○庭燎之百。由齊桓公始也。此章

將也。以將其德意也。

皆言

失禮所由始也。庭燎大炬。夜分設之。以照來朝之臣者也。

大戴禮曰。天子百燎。上公五十。侯伯子男三十。今桓公用

百燎而諸侯倣

之。是僭禮也。大夫之奏肆夏也。由趙文子始也。肆夏。天

奏之其僭甚矣。朝覲大夫之私覲。非禮也。大夫執圭而使。

所以申信也。不敢私覲。所以致敬也。而庭實私覲。何爲乎。

諸侯之庭爲人臣者。無外交。不敢貳君也。朝音潮。覲當力反。使去聲。○私

覲。使臣以私禮見於主君也。執圭而使聘也。大夫承君命。

而往聘。則得有私覲。以申己之信。若從君而往朝覲於他。

國。則不敢私覲。所以專其敬於君也。庭實。貢獻之陳於庭。

者。言大夫從君朝覲。而庭實私覲。何以來。諸侯之庭。平怪。

歎之辭也。又言人臣無外交。故從君而行。則大夫而饗君。

不敢有貳心於君。以申言不敢私覲之義也。大夫而饗君。

非禮也。大夫強而君殺之。義也。由三桓始也。殺色界反。○諸侯有相饗。

敵也。君饗其臣以尊賢也。若臣而饗君。是大夫強而與君

敵矣。凡私家之富強。人君當以義降殺之。若君臣之相饗。

則自三桓之強始也。但大夫饗君。不天子無客禮。莫敢爲。

止。始於三桓。此或據魯事而言耳。

主焉。君適其臣。升自阼階。不敢有其室也。覲禮。天子不下。

堂而見諸侯。下堂而見諸侯。天子之失禮也。由夷王以下。

天子無客禮。天下皆其有也。春見曰朝。則有迎諸侯之禮。法秦交之運也。秋見曰覲。天子負展南面。侯氏執玉入。不

下堂見諸侯。正上下之分也。覲禮下堂而見。諸侯自夷王始。夷王周孝王之子。厲王父也。諸侯之宮縣

而祭以白牡。擊玉磬。朱干設錫。冕而舞大武。乘大路。諸侯

之僭禮也。

縣音玄。○宮縣四面懸樂器如宮也。禮天子宮縣諸侯軒闕其前也。白牡殷牲。天子兼前代

之禮。諸侯奉時王之制。則諸侯惟當用騂也。天子玉磬。諸侯以石。設錫以錫飾盾之背也。諸侯得舞大武。然不當朱

干。設錫冕而舞也。大路臺門而旅樹。反坫繡黼丹朱中衣。天子郊天所乘之路也。

大夫之僭禮也。

繡如字。○旅道也。樹屏也。設屏當門之道。以蔽內外也。禮天子外屏。諸侯內屏。大夫

爵於其上。故曰反坫。繡黼丹朱中衣。以丹朱絲中衣。而加

繡黼之文為領也。中衣裏衣也。制如深衣而長袂。祭服以絲。則中衣用絹。朝服以布。則中衣用麻。凡此皆諸侯之禮。

禮記章句

卷之五

郊特牲第十一

末

而大夫僭之也故天子微諸侯僭大夫強諸侯脇於此相貴以等

相覲以貨相賂以利而天下之禮亂矣

脇如禮運脇君之脇謂見迫脇於其

臣也相貴以等以土地甲兵之強弱爲等而諸侯不敢祖

天子大夫不敢祖諸侯而公廟之設於私家非禮也由三

桓始也

諸侯不得祖天子大夫不得祖諸侯猶諸侯之不郊支子之不祭所以正名分則上下而消僭竊之

原也魯之郊禘非禮而大夫僭禮莫甚於三桓三桓之歌雍舞佾由私家之得立公廟是僭竊所由始故記者又推

言之但左傳云宋祖帝乙鄭祖厲王又曰邑有先君之廟曰都雖先儒有爲之說者然左氏或承沿習俗未足爲禮

之據宋祖天子自非所論邑有先君之主或別有其故魯有文王之廟自是非禮要當以此記爲正○天子

存二代之後猶尊賢也尊賢不過二代

謂封夏之後杞殷之後宋守先王之

禮樂也微子之命曰惟稽古崇德象賢統承先王脩其禮物作賓於王家諸侯不臣寓公故古

者寓公不繼世

諸侯失國而寓他國曰寓公其國客之而不臣猶尊二代後意也然失國之君非先

代象賢比故不繼世寓公死則臣其子

此下數條俱雜釋禮文不相連屬

○君之南鄉答陽

之義也臣之北面答君也

對鄉去聲○答對也

大夫之臣不

稽首非尊家臣以辟君也

稽首上聲辟音避○諸侯於天子稽首大夫於君亦稽首遠也大

夫在諸侯國中而有稽首之臣則似二君

大夫有獻弗親

君有賜不面拜為君之答己也

為去聲○君於大夫答拜故有獻弗親有賜不面拜

恐煩君

○鄉人禡孔子朝服立於阼存室神也

禡音潮○

答己也○鄉人禡孔子朝服立於阼存室神謂恐廟堂之神有驚故朝服立於阼使室神依己而安也

○孔子曰射之以

樂也何以聽何以射

言射比於樂而能中鵠之難也蓋非涵養之深者不能故射可以觀德

○孔子曰士使之射不能則辭以疾縣弧之義也

縣音玄○謂射

者男子之事。故始生而卽縣弧於門。今使之射而不能。士之恥也。故辭以疾。然此未必孔子之言也。○孔子

曰。三日齊。一日用之。猶恐不敬。二日伐鼓何居。齊側皆反。居巾宜反。

○齊者不樂。恐思慮之散而無以交神明也。時乃有二日伐鼓者。故孔子怪歎之。○孔子曰。繹之

於庫門內。祊之於東方。朝市之於西方。失之矣。朝如字。繹祭之明。

日又祭而賓尸也。祊者。繹祭之始。求神於室中也。繹當於

廟門外之西堂。祊於門堂之西室。今繹於庫門內。而祊於

門外之東也。周禮朝時而市。商賈爲主。當於市內近東。今於市內之西。皆失舊典也。○社。祭土而主

陰氣也。君南鄉於北牖下。答陰之義也。牖當作墉。○社地。道地秉陰。故祭社

以陰氣爲主。牖。牆也。古者社不屋。惟爲壇壝而樹之以爲

社主。外環以牆。牆南多陽。牆北多陰。君之祭社也。南面而

立於北墉之南。而社主當南墉之北。日用甲。用日之始也。

是處社於南墉之陰處。對陰之義也。日用甲。用日之始也。

甲。十干之首也。按洛誥。社用戊。今人社亦天子大社。必受

用戊。以戊干屬土也。此云用甲。未詳孰是。

霜露風雨以達天地之氣也是故喪國之社屋之不受天

陽也。薄社北牖使陰明也。

喪息浪反薄音毫牖如字。○大社北郊方圻也。然惟喪國之社

屋之則凡社皆不屋此特舉尊者為言耳。天施地生故社必達天地之氣而後有以著其生物之功也。白虎通曰王者諸侯必有誠社示有存亡也。喪國之社屋之使不達於天而天陽不入喪國之義也。薄毫通薄社殷社周人立之即誠社也。屋之而開牖於北方北方社所以神地之道也。陰方也使通明於陰亦喪國之義也。

地載萬物。天垂象。取財於地。取法於天。是以尊天而親地

也。故教民美報焉。家主中霤而國主社。示本也。

神神之神也。先王立社

所以著土地生物不測之功也。惟天子祭天是尊天也。自諸侯以下至成羣置社皆得祭社是親地也。美猶厚也。人非土不生不安故示唯為社事單出里為去聲。○單盡也。人以報本之道也。唯為社事單出里為去聲。○單盡也。出一里之眾以供給唯為社田國人畢作。周禮仲春蒐田祭事。蓋每家一人也。唯為社田國人畢作。獻禽以祭社畢。



出也。唯社上乘供粢盛所以報本反始也。○乘去聲。盛平聲。四井爲邑。四

邑爲丘。四丘爲甸。甸車一乘。黍稷曰粢。在器曰盛。謂斂上

乘之民之粟以供粢盛也。地生財以養人。故教民美報如

此。雲莊陳氏曰。報者酬之。季春出火爲焚也。然後簡其車

以道反本者。追之以心也。季春出火爲焚也。然後簡其車

賦而歷其卒伍。而君親誓社。以習軍旅。左之右之坐之起

之以觀其習變也。而流示之禽而鹽諸利。以觀其不犯命

也。求服其志不貪其得。故以戰則克。以祭則受福。

○孔氏曰。祭社在仲春。則此出火爲焚當在仲春。此言季

春。記者誤也。愚按。周禮仲春蒐田。火弊而獻禽。以祭社。事

與此合。則季春自當作仲春。但季春出火乃脩火禁。自有

出火之條。記者蓋以二事而誤合之也。爲焚。焚除草萊也。

歆羨於獲獸之利也。人情見利則爭。爭則犯命。觀其不犯命。則如行伍不亂。馳驅以正。射必中。殺之類。豈諸利而不犯命。則眾有節矣。凡此皆以求服其志。而所獲雖多。君取有限。如三品物取三十。而餘以均頒於眾。是也。此皆蒐田之事。以戰則克。軍旅之整暇也。祭則受福。獲禽祭社。民心和而鬼神假也。○天子適四方。先柴。

巡狩四嶽而○郊之祭也。迎長日之至也。禮也。至猶來也。燔柴視天也。○郊之祭也。迎長日之至也。禮也。至猶來也。

冬至日短至而復漸長。故曰迎長日之來也。蓋一陽始復。

見天地之心。然陰陽之往復無形。而日之長短有節。其實陰陽往復。即日實主之。故迎長日之來而祭天。報本之禮。

惟斯為大矣。○按王者祭天之舉。冬至圜丘一也。季秋宗

祀二也。孟春祈穀三也。仲春郊禘四也。仲夏大雩五也。餘

則四時旅祀五帝及巡狩燔柴及因事類祀皆事天之事。

然以圜丘及宗祀為重。春秋記魯郊多在四月。即夏正二

月。蓋孟春祈穀之郊。魯人失時。後一月耳。明堂位亦謂魯

以孟春郊祀是也。或謂郊天只在冬至。餘說皆非。則亦誤

矣。至於祭地。則秦漢以後。或分或合。朱子謂天地定是不

合祭。日月山川百神亦無合其一時祭享之理。又云。胡五

峯言無北郊。則祭社便是。此說卻好。今按周禮原無北郊

曹己章司卷之五郊特牲第十一

之文。而大司樂章則有夏至方圻禮地元之語。近今萬氏謂方圻卽大社。在國門之北。其或然歟。大報天而主日也。兆於南郊。就陽位也。埽地而祭。於其質也。器用陶匏。以象天地之性也。埽去聲。○大報天。報天之禮。此爲報天之禮也。兆宅也。兆於南郊。卽圻也。物性之本然。卽天地之性矣。於郊。故謂之郊。牲用騂。尙赤也。用犢。貴誠也。郊之用辛也。周之始郊。日以至。言其後遂用冬至後辛日郊祀也。卜郊。受命於祖廟。作龜於禰宮。尊祖親考之義也。郊日用辛。春秋所書魯郊亦然。然爲卜牲。其或然也。受命於祖廟。告於祖廟而後卜之日。王行事也。作猶用也。用龜於禰宮。於禰廟以卜也。卜之日。王立于澤。親聽誓命。受教諫之義也。澤。澤宮。太學也。王大射日。旣卜定。則有司以祭事誓戒眾。獻命。庫門之內。戒百官士。與凡執事。而王亦親聽受之也。

也。大廟之命。戒百姓也。

命。即澤宮之誓命。自王聽受之曰。教諫。自有司奉之。則曰獻也。有司

既獻命於王。王乃適庫門內申戒百官。又適太廟之中。以申戒其族姓也。祭之日。王皮弁以聽

祭報。示民嚴上也。喪者不哭。不敢凶服。汜埽反道。鄉爲田

燭。弗命而民聽上。

汜音泛。埽色報反。○皮弁。王之朝服。報也。汜。汎也。反道。剡理路旁之草而反之也。鄉。郊內六鄉也。

爲田燭。各於田上設燭。以備王之早行也。凡此皆不待上

命而民聽從。蓋祭之日。王被袞以象天。

郊祀之服。大裘而

歲以爲常故也。戴冕璪。十有二旒。則天數也。

璪。藻同。則法也。象天之十有二辰也。乘素車。

貴其質也。

即大路也。旂十有二旒。龍章而設日月。以象天也。

此常之旂也。旒。上屬弧而下繫綬。畫交龍及日月於綬上。龍亦飛而在天之物也。

天垂象。聖人則之。

郊。所以明天道也。

天道至教。聖人法天出治。故郊祀之服制亦象天如此。蓋郊祀之禮。凡以明天

道而已。故曰明乎郊社之禮。治國如視諸掌也。帝牛不吉。以為稷牛。帝牛必在滌

三月。稷牛唯具。所以別事天神與人鬼也。萬物本乎天。人

本乎祖。此所以配上帝也。郊之祭也。大報本反始也。周人

配以后稷。帝稷各一牛。不吉。謂在滌而有死傷。如鼯鼠食

角之類。為猶用也。滌。牢中滌淨之所也。帝牛不吉。則用稷

牛代之。而則擇稷牛。以帝牛必在滌三月。而稷牛則唯備

用可也。凡祭皆報本反始。而郊則天子為天下報本反始

尤報本反始。○天子大蜡八。伊耆氏始為蜡。蜡也者。索也

之大者也。○歲十二月合聚萬物而索饗之也。蜡音乍。索色窄反。○八

下文玩之。則當是司嗇一。百種二。農三。郵表畷四。貓五。虎

六。坊七。水庸八也。伊耆氏。堯也。索。求也。十二月。建丑之月

也。合集也。丑。月萬物無不集聚收斂。歲蜡之祭也。主先嗇

功大成。故索求其神而饗之。以報功也。蜡之祭也。主先嗇

而祭司嗇也。主先嗇而祭司嗇。如所謂社祭土而主陰氣

郊大報天而主日。言蜡祭主於報先古始祿

穡之功而祭司畜之神也。司畜即先古之始稼。畜者如神農及柱先勤其事而死遂為司其事之神也。舊說分先畜司畜為二。祭百種以報畜也。種上聲。○百穀之種也。有種恐未是。祭百種以報畜也。而後有畜有其物則有其神。故祭百種所以報畜。此明言祭百饗農及郵表啜禽獸仁種而舊說不列入蜡之條誤矣。

之至義之盡也。

啜朱劣反。○農古田畷之有功于民者。郵田畷居之以督耕者。祭郵表啜實祭田畔土神也。禽獸即下文貓虎也。不忘本仁也。報功義也。古之君子。

使之必報之。迎貓為其食田鼠也。迎虎為其食田豕也。迎

而祭之也。

為去聲。○使用也。謂賴其功也。田鼠田豕皆害稼。故食之者為有功也。蘇氏曰。迎貓則為貓尸。

迎虎則為虎尸。祭坊與水庸事也。坊堤也。以蓄水亦以障水。庸溝洫也。以受水亦以洩水。皆農事。

之備也。曰土反其宅。水歸其壑。昆蟲毋作。草木歸其澤。此蓋祝辭。

也。反復也。宅猶居也。土德以靜為本。歲功既成欲其復於安靜以爲來歲動闢而生物之本也。水歸其壑復其常所。

禮記章句

卷之五

三

以待來歲之用也。昆蟲蝗螟之屬。毋起以爲來歲之害也。  
澤藪草木所萃。草木歸其澤。毋使生於耕稼之所也。按此  
本未嘗言祭昆蟲。而舊說有祭昆蟲一條。又合貓虎爲一。其皆失之。  
皮弁素服而祭。素服以  
送終也。葛帶榛杖。喪殺也。蜡之祭。仁之至。義之盡也。介反。殺色  
○歲終而萬物皆終。終則反於無色。故以素服送之。然非  
喪禮也。故視喪服爲殺。但葛帶榛杖而已。杖以扶老。送終  
之義也。送終。仁之至也。黃衣黃冠而祭。息田夫也。野夫黃冠  
也。與喪殺義之盡也。黃衣黃冠而祭。息田夫也。野夫黃冠  
黃冠草服也。此雖與蜡祭連文。然同時而異事。息田夫之  
之。臘祭也。草服。謂草野之服。或曰。以菅葛之類爲冠也。  
大羅氏。天子之掌鳥獸者也。  
諸侯貢屬焉。草笠而至。尊野服也。周禮。羅氏掌羅鳥。鳥蜡  
鳥獸者亦屬焉。其貢。羅氏致鹿與女。而詔客告也。以戒諸  
侯曰。好田好女者亡其國。客使將歸。則羅氏以鹿與女示  
使者而詔之。使歸告其君。戒之。

曰。好田好女。必亡其國也。舊說。女則所俘於亡國者。陳氏疑亡國之女。不常有。愚意。但女奚之屬可矣。不必盡亡國俘。天子樹瓜華。不斂藏之種也。種上聲。○舊說。此亦羅氏者。瓜華。供一時之用而已。非可久藏之種也。若可以久藏。則無或與民爭利矣。愚謂。此宜關之。難以強解。八蜡以記四方。四方年不順成。八蜡不通。以謹民財也。順成之方。其蜡乃通。以移民也。既蜡而收。民息已。故既蜡。君子不

興功。移去聲。○通同也。移。縱也。蜡。以息老物。亦因以誌四

蓋殺禮也。或曰。有鼠耗。則不迎貓。有水旱。則不祭水庸。其

穀不熟。則不祭其種也。凡此所以示民使謹於用財也。年

穀順成。則八蜡通祭。所以舒其民。得縱一日之樂也。黨正

既蜡而屬民飲酒。以休息之。百物收斂。民亦休息。在上者

不得興功。以勞民也。○按章首言天子大蜡。萬授一疑蜡

止。天子得行。惟息民之祭。通於上下。但此言順成之方。其

蜡乃通。則蜡祭亦通上下矣。禮運言。與於蜡賓。雜記。子

貢觀蜡。是侯國有蜡也。愚意。天子曰大蜡。則天子之蜡。或



與諸侯不同。猶諸侯有雩而大雩則僭也。八蜡之中。司嗇祭及神農。侯國其不然歟。然詳不可考矣。○恆豆

之菹。水草之和氣也。其醢。陸產之物也。加豆。陸產也。其醢

水物也。

恆豆。朝踐饋食之豆。水草。菹。菹類也。陸產。麋鹿類也。加豆。醢而更薦加羞也。陸產。韭青類也。水物。魚

羸類也。此與周禮醢人所掌不合。未能詳考。

簋豆之薦。水土之品也。不敢用常

饗味而貴多品。所以交於神明之義也。非食味之道也。

取潔

清之氣。而非窮致滋味之美也。

先王之薦。可食也。而不可耆也。卷冕路車

可陳也。而不可好也。武壯而不可樂也。宗廟之威。而不可

安也。宗廟之器。可用也。而不可便其利也。所以交於神明

者。不可同於所安樂之義也。

耆音嗜。卷音衰。好去聲。樂音洛。○武。大武之舞也。因食味

而推言之。凡交於神明者。皆取和淡尊嚴。酒醴之美。玄酒而非窮耳目之觀聽。與日用之安逸焉也。

明水之尚。賁五味之本也。黼黻文繡之美。疏布之尚。反女  
工之始也。筦簞之安。而蒲越橐鞾之尚。明之也。犬羹不和。  
賁其質也。大圭不琢。美其質也。丹漆雕幾之美。素車之乘。  
尊其樸也。賁其質而已矣。所以交於神明者。不可同於所  
安。褻之甚也。如是而後宜。越音括。鞾江入反。和去聲。琢音  
篆。○周禮司烜氏掌以鑑取明  
水於月。蓋明水以配五齊。惟天子用之。五味以淡為本。幾  
者。丹漆之畿限也。上節所陳。猶於人情為近。此節則皆反  
古。上質之事。益非人情所安樂矣。故曰不可同於所安。褻  
之甚也。非此無以致潔敬而交神明也。故曰如是而後宜。  
鼎俎奇而籩豆偶。陰陽之義也。黃目。鬱氣之上尊也。黃者  
中也。目者氣之清明者也。言酌於中而清明於外也。黃目。即周  
禮黃彝。以黃金鑲飾為目之形。故曰黃目。祭以盛鬱鬯者  
也。鬱鬯。釀秬黍為鬯。築鬱金香草煮而和之也。其氣芬芳。

故曰鬱氣黃。中央土之色。凡人清明之氣上達於目。故取其飾也。祭天埽地而祭焉。於其

質而已矣。醯醢之美而煎鹽之尚。貴天產也。割刀之用而

鸞刀之貴。貴其義也。聲和而後斷也。埽色報反。斷上聲。○

然之味也。聲和而後斷。斷物而不失其和。此貴鸞刀之義也。○此章亦雜釋祭禮器數名義而多重本內心之意。

○冠義。始冠之。緇布之冠也。太古冠布。齊則緇之。其綏也。

孔子曰。吾未之聞也。冠而敝之可也。冠義始冠冠布冠而

綏而追反。齊側皆反。○冠義冠之義也。始冠初加也。太古無文。故冠布而齊則緇之。取幽遠之色。以交神明也。後世

以此冠為冠。禮始加之服。按儀禮始加玄端黑履。夫黑履則玄裳可知。是以齊服冠。始喻以齊敬之義。顯太古之緇

布冠。則無綏。至後世有加綏者。故孔子言未之間。敝藏也。言初冠暫用之。示不忘古耳。冠禮既畢。則藏之可也。儀禮

注云。緇布冠著頰圍髮際。隅適子冠於阼。以著代也。醯於為四綏。其制今不可詳矣。

客位加有成也。三加彌尊。喻其志也。冠而字之。敬其名也。  
適丁歷反。○適子冠於東階主位。顯其為後也。庶子則冠  
於戶外南面矣。三加既畢。而醮於西階之上。客位加禮其  
有成德也。庶子則仍冠席而醮之。始加玄端。再加皮弁。三  
加爵弁。所謂彌尊。所以曉之使廣其志也。既冠而字。敬其  
為成人。不委貌。周道也。章甫殷道也。毋追夏后氏之道也。  
以名呼也。委貌周道也。章甫殷道也。毋追夏后氏之道也。  
母音牟。追音堆。○此即始冠之緇布冠。三代之制稍殊。而  
名亦異也。然其制不可考矣。○又按孔子冠章甫之冠。公  
西華言端章甫。則似非必三王其皮弁素積。此節舊在夏  
冠而敝之者。此亦不可考。三王其皮弁素積。此節舊在夏  
於此。○此再加服也。皮弁以鹿皮為弁。積裳襞積也。皮  
弁服素衣裳白鳥。士大夫聽朔及往聘鄰國之服也。周  
弁殷髀夏收。此三加服也。弁爵弁也。染韋如爵頭色為弁。  
弁髀收亦以三代無大夫冠禮而有其昏禮。古者五十而  
制殊而名異也。無大夫冠禮而有其昏禮。古者五十而  
後爵何大夫冠禮之有。諸侯之有冠禮。夏之末造也。五十  
始為

大夫故無大夫冠禮。大夫不繼世也。諸侯繼世有童子嗣位者矣。然其冠也。蓋亦以士禮行之。諸侯之有冠禮。則自夏之末。天子之元子士也。天下無生而貴者也。繼世以立世始也。諸侯象賢也。以官爵人德之殺也。死而謚。今也古者生無爵死無謚。殺色界反。○天子諸侯之適子皆士耳。故入學也。諸侯有象賢之義。是以繼世若夫爵人則因其官。官稱其才德之大小。而爵因之以有等殺。生有爵則死有謚。貴之也。士以下未命以爵。則死無謚矣。天子諸侯之子非有官職。則生以士冠。而無爵。未立而死。亦等於未命之士。而無謚。若適子未立而死。而加之謚。則後世之未造也。但按大夫冠禮。自不當有諸侯適子未立。自以士冠。若既立而後冠。則其禮要自當與士異。似未可概譏為未造也。又按曾子問篇云。天子賜諸侯大夫冕弁服於太廟。歸設奠服賜服。於斯平有冠醮。無冠醮。是則諸侯未禮之所尊尊其冠者。因受賜服於天子。而不復有冠禮矣。禮之所尊尊其義也。失其義。陳其數。祝史之事也。故其數可陳也。其義難

知也。知其義而敬守之。先王之所以治天下也。因冠禮而廣言之。義

如著代加有成之類。形而上者謂之道。形而下者謂之器。故知其義之為貴。而敬又禮義之本也。非敬則雖知之而

亦無以守之矣。○天地合而後萬物興焉。夫昏禮。萬世之始也。取

於異姓。所以附遠厚別也。幣必誠。辭無不腆。告之以直信。

信。事人也。信。婦德也。壹與之齊。終身不改。故夫死不嫁。音夫

扶取去聲。別彼列反。○興發生也。昏禮亦陰陽之合也。丹崖陳氏曰。有夫婦然後有父子。父子所以傳世。故曰萬世

之始。附託也。託於遠嫌之義。厚其有別之禮。不欲其相褻也。幣以將意。辭以道情。腆猶善也。幣必誠。辭必善。是欲告

戒為婦者以正直誠信也。婦人事人者也。信者。事人之道。婦人之德。故以是告戒之。齊謂同牢而食。合卺而醑。不改

不他適也。方氏曰。信而無偽。則直在其中矣。男子親迎。男先於女。剛柔之義也。

天先乎地。君先乎臣。其義一也。迎先皆去聲。○先倡導也。馬氏曰。男子親迎。而男先

禮記章句

卷之五

卷之五

三

於女。剛先於柔之義。天造始而地。執摯以相見。敬章別也。代終。君主倡而臣主和。亦此義也。

男女有別。然後父子親。父子親。然後義生。義生。然後禮作。

禮作。然後萬物安。無別無義。禽獸之道也。昏禮摯用鴈。敬章別。敬以明其

別也。丹崖陳氏曰。男女無別。則淫僻之行多。而父子之恩薄。必男女有別。然後父子親。而義生。禮作。措之家國天下。

而萬物各安其所矣。朱子曰。漢武帝溺於聲色。游燕後宮。父子不親。遂致戾太子之變。此亦夫婦無別。而父子不親。

之一。壻親御授綏親之也。親之也者。親之也。敬而親之。先

王之所以得天下也。壻既奠鴈。揖婦以出。壻親御婦車。而授之綏。是所以親其婦也。己有以親

之。乃所以使之親已。然親而非敬。則昵矣。故敬而親之。斯

情摯而有別。情欲之感。無介乎容儀宴私之意。不形於動

靜。然後可以為社稷宗廟主。化始於閨門。而終於化成天下矣。夏之興也。以塗山。商以有莘。周以太任大妣。是先王

敬親之道。而推廣言之。出乎大門而先。男帥女。女從男。夫

婦之義由此始也。婦人從人者也。幼從父兄，嫁從夫，夫死

從子。夫也者，夫也。夫也者，以智帥人者也。

帥入聲。○婿既授綬，乃自乘己

車以先行，而婦車從之，倡隨之義。由此始也。夫，丈夫也。以智帥人，又釋男帥女之義。

玄冕齊戒，鬼神

陰陽也。將以為社稷主，為先祖後，而可以不致敬乎？

齊側皆反

○此言諸侯之禮，所謂冕而親迎也。言玄冕本齊戒以交鬼神之服也。鬼神者，陰陽之靈，而昏禮陰陽之交。夫將以為社稷宗廟之主，以承先祖之後。其牢而食，同尊卑也。故而可不致敬之如敬鬼神之道乎？

婦人無爵。從夫之爵，坐以夫之齒。器用陶匏，尚禮然也。三

王作牢，用陶匏。

牛性也。登於俎者，士禮特牲。由士以推，則大夫少牢，君昏太牢也。迎婦既至，則同牢。

而食，同尊卑，所謂與之齊也。合昏用匏而判之為爵，陶登豆之屬也。尚禮，上古之禮也。言三王雖用牢禮，而器則仍

尚古，不厭明。婦盥饋，舅姑卒食，婦餽餘，私之也。

厭明，既昏忘本也。



盥以致潔。饋以致養。女家使人致饌於婦。婦以饋食於舅。姑食畢。婦餽姑之餘。其從者餽舅之餘。此豕婦之禮也。非

豕婦則舅姑降自西階。婦降自阼階。授之室也。此厥明舅

不盥饋。舅姑降自西階。婦降自阼階。授之室也。此厥明舅

禮也。饗畢。則舅姑降自西階。婦降自阼階。昏禮不用樂。幽陰

階。所以示繼爲主婦也。此亦豕婦之禮。昏禮不用樂。幽陰

之義也。樂陽氣也。遇昏以陽。昏禮不賀人之序也。曰序。猶代

也。在子則代父。在婦則代姑。故不賀。○有虞氏之祭也。尚用氣。血腥爛祭。用

氣也。言三代祭禮之異。尚也。尚上之也。氣。凡動物血氣之

宰。腥爛薦於堂。殷人尚聲。臭味未成。滌蕩其聲。樂三闋。然

後出迎牲。聲音之號。所以詔告於天地之間也。性未殺。故

蕩滌。猶宣播也。闋。一終也。以聲音呼號。所

以詔告於兩間。庶鬼神聞之而來享也。周人尚臭。灌用

鬯臭。鬱合鬯。臭陰達於淵泉。灌以圭璋。用玉氣也。既灌。然

後迎牲致陰氣也。蕭合黍稷。臭陽達於牆屋。故既奠然後

炳蕭合羶薌。凡祭慎諸此。凡炳如悅反羶音馨薌音香。○臭

方祭之始。以鬱金和秬鬯而灌之。使其臭陰達淵泉之下。

以求形魄之精之在地者也。王灌以圭瓊。后灌以瑋瓊。用

玉氣。有清潤之氣也。既灌而後迎牲。腥爛皆薦於堂。所謂

朝踐之事。致致其求享也。及堂上事尸禮畢。將延尸入室

而饋食。祝先酌酒奠於廟門之南。此時尸猶未入。乃用蕭

雜黍稷黍稷燒之。使其臭陽達牆屋之上。以求魂氣之神

之在天者也。蓋人死曰鬼。本屬之陰。而於廟享之。欲其來

假。其來而傳。自陰而之陽之道也。故周人先求之陰。既灌

而朝踐。腥爛之薦。全非飲食之道。止以氣臭交於冥漠。蓋

以鬼事之也。及既合烹而鬼神之來。假以漸而菁。然後求

神於陽。陰陽合而有人道焉。故既炳蕭而後饋食。薦熟之

禮。遂以人事之。此周人祭禮。陰陽始終之義也。饋食之後

去人事近。饋食之前。去人事遠。求諸陰陽。全以精神

感格。誠有未至。無以致其來享矣。故凡祭慎諸此。魂氣

歸於天。形魄歸於地。故祭求諸陰陽之義也。殷人先求諸

陽。周人先求諸陰。詔祝於室。坐尸於堂。用牲於庭。升首於室。直祭祝於主。索祭祝於祊。不知神之所在。於彼乎。於此乎。或諸遠人乎。祭於祊。尙曰求諸遠者與。索色革反。遠人聲。○殷人尙聲。先求諸陽也。周人先灌。先求諸陰也。祝詔以下。綜祭之始終言之。方祭之始。祝先告神於室中。所謂陰厭。既灌。尸坐戶西南面。乃殺牲於庭。而以首獻於室。此皆朝踐時事也。直。正也。正祭。饋食也。既。炳蕭。尸入室。祝先以辭告於神主。而後正祭也。索。求也。又使祝求神於門內。而祭之也。凡此皆不知神之所在。而致其恍惚之忱也。或諸遠人。言神或遠於人也。祊。祭有。二。此祭日之祊。祊之爲也。及明日繹祭。則祭於廟門之外。故亦謂之祊。祊之爲言倮也。所之爲言敬也。富也者。福也。首也者。直也。相饗之也。嘏。長也。大也。尸。陳也。毛血。告幽全之物也。告幽全之物者。貴純之道也。倮音諒。所音所。相去聲。○倮。遠也。言遠求之也。尸有所祖。尸食之餘。則以所祖盛之。

言主人敬尸而設此俎也。富備物也。福者備百順之名也。首之言直言升首於室見主人之盛直與神相嚮也。相佐食之類。所以勸神之饗者也。尸之言陳陳猶設也。謂設以象神也。幽謂血全謂毛告幽全之物謂血美而毛色全表裏純一也。血祭盛氣也。祭肺肝心貴氣主也。祭黍稷加肺祭齊

加明水報陰也。取腠臂燔燎升首報陽也。明水浼齊貴新

也。凡浼新之也。其謂之明水也。由主人之潔著此水也。去齊

聲。腠音律。臂音聊。浼音稅。凡鮮殺者氣盛而有血。氣衰

自死則無血。故以血祭者見其氣之盛。謂特殺也。周祭肺

殷祭肝。夏祭心。蓋是三者皆血氣之主。故貴之也。尸隋祭

以黍稷加肺而祭。齊五齊也。祭設五齊而加以明水之尊

凡食以養陰。而明水取於月是亦陰類。故以報陰也。但尸

祭齊而未聞祭明水。此不可考矣。腠臂腸間脂燔燎於火

及升首皆以答陽首。諸陽之會也。浼泝也。泝齊而使之清

新猶潔也。主人之潔著此水。言主人潔敬之心於此水而

著見也。君再拜稽首。肉袒親割。敬之至也。敬之至也。服也。拜

禮記卷之五郊特牲第十一

服也。稽首服之甚也。肉袒服之盡也。祭稱孝子孝孫以其義稱也。稱曾孫某謂國家也。祭祀之相主人自致其敬盡其嘉而無與讓也。稽上聲相去聲。言君所以致其敬者首拜稽首而加以肉袒其服順無不至而誠無不盡矣。服順於親孝也。祭於宗廟稱孝子某孝孫某祭先之道欲人顧名而思義也。其有稱曾孫某者則國家之外事謂其有世守之道也。相贊尸者祭祀之相不詔尸以讓以祭祀者主人自致其敬盡其嘉無所與讓也。腥肆爛臠祭豈知神之所饗也。主人自盡其敬而已矣。舉犂角詔妥尸。古者尸無事則立有事而后坐也。尸神象也。祝將命也。肆音剔。又如字。臠而審反。角皆爵名。妥安也。尸始即席舉爵時祝詔主人拜尸以安之。此周禮也。古者謂夏時也。祝以主人之辭告神。又傳神意以嘏主人。是將命者也。自訪之為縮酌用茅明酌也。此言倬以下至此殊多疑義難以悉解。

下。言況齊之事。縮。沛也。縮。酌。謂醴齊。以其粹汁方濁。必沛之。而後可酌也。用茅以薦茅。覆藉而沛之也。明酌。事酒也。周禮三酒曰事酒。曰昔酒。曰清酒。事酒。新作之酒。其色明。澈。故曰明酌。言先用此明酌和醴齊。而後用茅以沛之也。酸酒。沅於清。稍清。惟先和以清酒。而後冬釀。而夏成者。益齊。汁。獻。沅於酸酒。也。說於酸酒。以獻。言摩挲。和鬱鬯。而後沛之也。○按周禮五齊。此止言其二。者。泛齊全濁。未見所用。至於醴齊。沈齊。則皆漸清。無事於沅。故所沅者。惟醴齊。益齊也。孔氏曰。以事酒。沛醴齊。以清酒。沛益齊。今沛。秬鬯。乃用益齊。而。不以三酒者。五齊卑。故以三酒。沛之。秬鬯尊。故用五齊。沛。猶明清與酸酒。于舊澤之酒也。久也。澤。音擇。○猶若也。舊之也。猶明清與酸酒。于舊澤之酒也。久也。澤。音擇。○猶若也。舊上文所說三酒之法。如今時明酒。醴。通。沛。於久。○祭有所。酹之酒也。然此古今異宜。多不可曉。姑循舊說。○祭有所。焉。有報焉。有由辟焉。辟。音米。○祈。如祈穀。大雩之類。報。如用祭以弭之。如弭災兵。遠罪疾之類。言祭禮。又有此三者之例也。前篇言不祈者。常祭。非以祈福也。此言有所祈者。又

有所因事。○齊之立也。以陰幽思也。故君子三日齊。必見其所祭者。齊側皆反。○齊服玄端。幽深之色。所以致其陰思。以交於鬼神也。三日齊。必見其所祭者。則誠一之至。稱其服矣。

內則第十二

孔氏曰。閨門之內。軌儀可則。故曰內則。石梁王氏曰。此篇於曲禮之儀為多。○

分四章

后王命冢宰降德于眾兆民。

后王。猶言君王。謂天子也。冢宰。六卿之長。貳王而掌邦治。

者也。降德。降布其德教也。此節通篇之冒。而德莫先於孝。故下文先言子事父母之事。○石梁王氏曰。鄭注分后王立解不通。非記者本意。冢宰掌邦六典。則子事父母。雞初教典在所兼統。鄭分天子諸侯。甚無意義。子事父母。雞初鳴。咸盥漱。櫛。緹。笄。總。拂髦。冠。紒。纓。端。韞。紳。搢笏。漱。先奏反。緹。所買反。搢音晉。○盥。洗手。漱。滌口。櫛。理髮。緹。黑緇髮者。笄。簪。總。練。緇。以束髮。本而垂餘於髻後。以為飾也。髦。髮。

飾子生三月。則翦其胎髮為鬻。而帶之於首。及其冠笄。則采他之。加於冠。不忘父母所生也。父喪則脫左。母喪則脫右。拂髦。拂去髦上之塵也。綏纓。纓之下垂者。纓冠系也。端服。大夫立衣素裳。上士立裳。中士黃裳。下士雜裳。韠。蔽膝也。順裳色。以韋為之。紳。大帶之垂者。搢。插也。笏。以象及竹為之。以記事。備忽忘者。搢笏。插笏於帶也。左右

佩用。左佩紛。紛。刀。礪。小觿。金燧。右佩玦。捍。管。還。大觿。木燧。

帨。音稅。觿。戶圭反。玦。音決。捍。音汗。還。音逝。○佩用。佩物以備用也。紛。以拭器。帨。以拭手。皆巾也。刀。小刀。礪。礪石。觿。狀

如錐。以象為之。所以解結者。金燧。以取火於日者也。玦。以象為之。著於右手。大指射則以鉤。弦。體者也。捍。以皮為

之。韜。左臂以收衣袖而遂弦。故又名遂。管。筆也。還。刀室。刀

在還中也。木燧。用以鑽火。燭。足至膝者。著。結也。綦。鞋口帶也。也。火。倮。屨。著。綦。倮。邪。幅。纏足至膝者。著。結也。綦。鞋口帶也。

拂髦。著冠。結纓。垂綏。在身則服。立端。著。綦。各以次第施之。婦事

舅姑。如事父母。雞初鳴。咸盥漱。櫛。縱。笄。總。衣。紳。衣。如字。○

禮記章句 卷之五 內則第十二 三



而加紳帶。士妻之服也。

左佩紛。帨。刀。礪。小觶。金燧。右佩箴管。線。續。施。

縈裘。大觶。木燧。

續音贖。縈音盤。裘陳乙反。箴所以貯箴者。縈絲屬婦人所有事也。施縈裘所以貯箴者。

線。衿。纓。綦屨。

衿巨禁反。衿結也。纓香囊也。恐身有穢氣觸尊者故佩之。

以適父母舅

姑之所。適往也。所。

及所。下氣怡聲。問衣煖寒。疾病苛癢而

敬抑搔之。出入則或先或後而敬扶持之。

煖音郁。苛音病。○丹崖陳氏曰。

低下其氣。怡悅其色。問衣之煖。將減之也。問衣之寒。將加之也。疾病則抑按苛癢。則搔爬。出入則或前或後以扶持。

而必皆一進盥。少者奉槃。長者奉水。請沃盥。盥卒。授巾。

去少。

聲奉長皆上聲。○沃盥。問所欲而敬進之。柔色以溫之。

欲所。

謂所欲食者。柔色以溫之。和。醴。醢。醢。醢。麥。蕡。稻。黍。

梁。秬。唯所欲。

醢諸延反。醢音移。○醢。厚粥。醢。薄粥。麥。蕡。黍。梁。秬。唯所欲。羹。雜肉菜爲羹也。蕡。麻子。秬。黍之穠者。聚。栗。

飴蜜以甘之。堇荳。枳榆。兔薹。滫瀡。以滑之。脂膏。以膏之。父

母舅姑必嘗之。而后退。飴音怡。堇音謹。荳音九。兔音問。薹音考。滫思酒反。瀡時水反。膏之之

膏去聲。○飴。餽也。荳水荳。荳似堇而葉大。枳。白榆。四物皆菜之滑者。兔。新鮮者。薹。乾陳者。滫。久泔也。瀡。滑也。凝者爲脂。釋者爲膏。膏之。使之潤澤也。此數者皆以調和滋味之

宜。待嘗而退。欲觀親之嗜否。敬也。雲莊陳氏曰。此篇所記飲食。古今異制。風土異宜。不能盡曉。然亦可見古人察男

物之精。用物之詳矣。○此以上皆子婦晨省視膳之事。男

女未冠笄者。雞初鳴。咸盥漱。櫛。縱拂髦。總角。衿纓。皆佩容

臭。昧爽而朝。問何食飲矣。若已食則退。若未食則佐長者

視具。冠去聲。朝音潮。長上聲。○總角。束髮爲角也。容臭。以纓實香草佩之。助爲容飾也。昧。晦。爽。明。昧爽。欲明未

明之時也。朝。見也。佐。助也。凡內外雞初鳴。咸盥漱。衣服。斂視具。視饌具。寒煖之節也。

枕簟。灑埽。室堂及庭。布席。各從其事。灑埽。皆去聲。○內外婢僕之屬。枕簟。尊者

之寢具。席尊者之坐席。古人枕席之具。夜則設之。曉則斂之。不以私褻之用示人也。各從其事。女服內事。男服外事。各有司也。孺子蚤寢晏起。唯所欲食。無時。孺子七歲以下者。司也。

事上之節。由命士以上。父子皆異宮。昧爽而朝。慈以旨甘。日出而退。各從其事。日入而夕。慈以旨甘。

由從也。未命之士。父子上。父子異宮。崇敬也。慈順愛也。各從其事。各治其職。父事也。晨見曰朝。暮見曰夕。此一節特為異宮者補言之。

父母舅姑將坐。奉席請何鄉。將衽。長者奉席請何趾。少者執

牀與坐。御者舉几。斂席與簞。縣衾。篋枕。斂簞而禡之。

聲鄉少皆去聲。禡音獨。○衽臥席也。請何趾問足鄉何方也。牀安身之几。今禡屬也。臥而起則執牀以與之坐。舉几以與之憑也。御者侍奉之人。篋竹筥。禡布囊也。席與簞則收斂之。衾則束而縣之。枕則以篋持之。簞既斂而又以禡韜之。以臥在席上。尤當敬也。將坐父母舅姑之衣衾簞席奉席亦長者斂席以下皆御者。

枕几不傳杖屨祇敬之勿敢近敦牟卮匱非餽莫敢用與

恆食飲非餽莫之敢飲食祇音支敦音對卮音支匱音移

置他所也近謂偏撝之杖屨且敬無所不敬也敦簠簋之屬牟整同皆盛黍稷器也卮酒器匱盛水器與及也尊者

所用之器非餽其餘則不敢飲用所常食飲之物非餽其餘則不敢飲食皆敬也父母在朝夕恆食

子婦佐餽既食恆餽父沒母存豕子御食羣子婦佐餽如

初旨甘柔滑孺子餽佐餽勸之食而餽其餘也恆餽常盡

也御食侍母以食也如初如父在時也旨甘柔滑孺子餽

孺子恆為尊長所愛故亦愛之養志之道也○此以上事親奉養之敬謹在父母舅姑之所有命之應唯敬對進退周旋慎

齊升降出入揖遊不敢噦噫噫咳欠伸跛倚睇視不敢唾

洩唯上聲齊側皆反噦於決反噫音隘噦音帝咳苦愛反

跋彼義反睇音第唾吐臥反洩音替○應唯應以速也

禮記章句

卷之五

內則第十二

壽

敬對。對以敬也。進退周旋。慎齊。一進一退。曲折之間。無不謹。慎。齊。莊也。升降。以堂階言。出入。以門戶言。揖。進而前。則微俯。如揖也。揚。退而後。則微仰。而揚也。噦。嘔逆聲。噫。食飽聲。噎。噴。噴。咳。咳。嗽。氣乏。則欠。體疲。則伸。睥。視邪視也。唾。出於口。洩。出於鼻。數者。皆不恭之容。寒。不敢襲。癢。不敢搔。不故。升降。出入。揖遊之頃。皆不敢也。有敬事。不敢袒裼。不涉不擻。襲衣衾。不見裏。擻音騷。擻音貴。見賢徧反。然則。不敢袒裼。露臂。敬事。謂服勤之事。有當袒裼者。也不衣裳。不敢見其裏。恐穢也。不敢適已之便。不敢承父母唾親以襲。皆敬之至也。○此二節。事親容貌之謹。飭父母唾洩。不見冠帶垢和灰。請漱衣裳垢和灰。請澣。衣裳綻裂。紉箴。請補綴。見賢徧反。漱音搜。紉尼憐反。綴贅拙二音。○不見。謂刷去之。和灰。以灰湯漬之也。手洗曰澣。足洗曰澣。以線穿箴曰紉。五日則燂湯請浴。三日具沐。其間面垢。燂潘請醺。足垢。燂湯請洗。燂詳廉反。潘音翻。醺音悔。○燂。溫之也。浴。澡身沐。澣首。澣。浙米水。醺。洗面。

也。○此二節以少事長。賤事實。其帥事。少去聲。長上聲。帥入聲。○賤謂婢僕  
潔敬事親之事。之屬。帥。循時是也。總指上文。男不言內。女不言外。非祭非喪。不相授器。

其相授。則女受以篚。其無篚。則皆坐奠之。而后取之。統少

長貴賤而言。內。女事。外。男事。坐。跪也。男女授受不親。惟祭

嚴喪遽。可相授受。不以爲嫌。非喪祭。則不相授器也。其或

有相授。則受者承以篚。無篚。則皆跪而授者置之。地。受者取諸地。以遠別也。外內不其井。不其

湑浴。不通寢席。不通乞假。男女不通衣裳。湑音通。○湑。浴

也。輔氏曰。井。湑一定。故言不其。寢席衣衾可移。故言不通。外內。汎言男女。切言。內言不出。外言不

入。男子入內。不嘯。不指。夜行以燭。無燭則止。雲莊陳氏曰。舊說讀嘯爲

聲。叱。則或有當發者。讀如字爲是。○嘯。燈口出聲。指。道路

以手指畫。不嘯。不指。爲駭人視聽也。以用也。擗。障也。道。路。

男子由右。女子由左。

丹崖陳氏曰。地道尊右也。○此四節因前凡內外之文而推言男女之別。

子婦孝者敬者。父母舅姑之命。勿逆勿怠。

言為子為婦之孝敬其父母舅

姑者其於父母舅姑之命。必當委曲以順承之。而不可有違逆怠慢也。

若飲食之。雖不啻。必

嘗而待。加之衣服。雖不欲。必服而待。

○飲食皆去聲。音嗜。○待。謂待尊者察己

不好。而或加之事。人代之。己雖弗欲。姑與之。而姑使之。而

有後命也。

姑且也。使教也。雲莊陳氏曰。尊者任之以事。己既

后復之。為之矣。或念其勞而使他人代之。己意雖不以為

勞而不欲其代。然必順尊者之意。而姑與之。若慮其為之

不如己意。則姑教之。及其果不能。而后己復為之也。黃氏

曰。此兩節皆明弗逆弗怠之意。○此三節皆委曲以承親志。而結其歡心。所以為孝敬也。子婦有勤勞

之事。雖甚愛之。姑縱之。而盍數休之。縱之。聽其為之也。勤

為尊者於子婦。即不忍其勞。亦宜聽使為之。盍或數數休

息之。而必使終竟其所事。不可以姑息以愛。而遂縱之安

也。佚子婦未孝未敬。勿庸疾怨。姑教之。若不可教。而后怒之。

不可怒。子放婦出。而不表禮焉。庸用疾惡怒。譴責之屢而不改也。不可

表禮。不明言其失禮之罪。使之有所容。又不忍終疾之。而

望其知悔也。○此段言父母舅姑之於子婦。愛而當勞之。而

惡而當教之。至不得已而棄之。而猶為隱之。皆天理人情之至也。父母有過。下氣怡色。柔

聲以諫。諫若不入。起敬起孝。說則復諫。○說音悅。復扶又反。吳氏曰。下怡柔。

皆和順之意。蓋諫易至於犯。故尤欲和順也。入。納也。起者。悚然興起之意。不說。與其得罪與鄉

黨州閭。寧孰諫。父母怒。不說。而撻之流血。不敢疾怨。起敬

起孝。孰熟同。○孔氏曰。孰諫。謂純熟殷勤而諫。若物之成孰然也。丹崖陳氏曰。諫而父母不悅。其罪輕。不諫而

父母得罪於人。其罪重。二者之間。寧可孰諫。真氏曰。諫不

入。起敬起孝。諫而怒。亦起敬起孝。孝敬之外。豈容有他念哉。豈容一息忘哉。○此段言人子諫親之道也。蓋不得乎

親。不可以為人。不順乎親。不可以為子。故父母而至於有



禮記章句

卷之五

三

過。自孝子視之。皆以爲己之不能事親而致父母之有過也。故其起敬起孝以幾諫也如此。終言起敬起孝者。終冀有以得親之心也。終於不父母有婢子。若庶子庶孫甚愛入焉。則亦號泣而隨之耳。

之。雖父母沒。沒身敬之不衰。

婢子。婢所生之子。若及也。丹崖陳氏曰。父母所愛者當終

身敬之。非特愛之而已也。

子有二妾。父母愛一人焉。子愛一人焉。由衣服飲食由執事。毋敢視父母所愛。雖父母沒不衰。

由。自也。視。比也。

不敢以私愛違父母之情也。

子甚宜其妻。父母不說。出子不宜其妻。父

母曰。是善事我。子行夫婦之禮焉。沒身不衰。

說音悅。○宜。猶善也。應氏

曰。父母以爲善。子情雖替而夫婦之禮亦不可不行也。○此段體父母之心以愛父母所愛也。父母雖沒。

將爲善。思貽父母令名。必果。將爲不善。思貽父母羞辱。必

不果。終身不忘其親。則不敢一置其身於不善之地矣。此一節言守身之孝也。舅沒則姑老。冢

婦所祭祀賓客每事必請於姑介婦請於豕婦老謂傳家

豕婦適長婦也豕婦雖嗣事然大事必稟姑命而行示有尊也介婦豕婦也舅姑使豕婦毋怠

不友無禮於介婦石梁王氏曰友當作敢○丹崖陳氏曰

又不敢恃舅姑之命舅姑若使介婦毋敢敵耦於豕婦丹

而無禮於介婦也陳氏曰舅姑若以事使介婦介婦不敢並行不敢並命不

敢並坐並亦不敢並行並命並坐也凡婦不命適私室

不敢退婦將有事大小必請於舅姑丹崖陳氏曰凡婦通

之室蓋婦侍舅姑時故必待命而退也事謂私事○此段言婦事舅姑及娣姒尊卑之禮子婦無私貨

無私畜無私器不敢私假不敢私與畜許六反○畜養牲也假借人也鄭氏曰

家事統於尊也婦或賜之飲食衣服布帛佩帨蒹蘭則受而獻諸

舅姑舅姑受之則喜如新受賜荳昌改反○佩雜佩之屬

賜之蓋私親兄弟賜之輔氏曰若反賜之則辭不得命如

新初也如初得兄弟之賜也陳氏曰反賜之謂舅姑不受而復

更受賜藏以待乏與之不得命不允其辭也如更受賜如

再受舅姑之賜也待乏待舅姑或空乏而獻之也雲莊陳

氏曰受之則如新受賜不受則如更受賜皆孝愛之至也

婦若有私親兄弟將與之則必復請其故賜而後與之復

又反○故卽反賜之物也然必再請於舅姑待許而後與

也黃氏曰不敢私受故獻之舅姑不敢私與故復請其故

○此段專言無敢私之事司馬氏曰人子之身父母之身

也身且不敢自有況敢有私財乎若父子異財互相假借

於是子富父貧父飢子飽者不孝不義孰甚於適子庶

此愚按營私積貨多自婦女始故此段多嚴之婦適子庶

子祇事宗子宗婦雖貴富不敢以貴富入宗子之家雖眾

車徒舍於外以寡約入

適丁歷反○孔氏曰適子父及祖之適小宗也庶子適子之弟宗子

大宗宗婦宗子之妻也。祗敬也。子弟猶歸器衣服裘衾車馬則必獻其上而后敢服用其次也。若非所獻則不敢以

入於宗子之門。

雲莊陳氏曰猶若也言子弟若有以功德

則必獻其上者於宗子而自取用其次者若非宗子之爵所當服用而不可獻者則已亦不敢服用之以入宗子之

門不敢以貴富加於父兄宗族。

加高也非惟不敢以貴富入宗子之家凡內外父兄

宗族皆不敢以此加之也。

若富則具二牲獻其賢者於宗子。夫婦皆齊

而宗敬焉。終事而后敢私祭。

雲莊陳氏曰賢猶善也齊而宗敬謂齊戒而往助祭事以

致宗之之敬也。私祭祖禰則用二牲之次者。○此段言事宗子之禮蓋亦由事親而廣之以親親則尊祖尊祖則敬

宗敬宗故睦族此人道之紀綱化民成俗之根本也。曾子曰孝子之養老也樂其心

不違其志樂其耳目安其寢處以其飲食忠養之

養去聲樂音洛

○丹崖陳氏曰。老及四其字皆指親而言。樂其心。怡悅其  
心也。不違其志。承順其志也。方氏曰。怡聲以間。所以樂其  
耳。柔色以溫。所以樂其目。昏定。所以安其  
寢。晨省。所以安其處。忠者。盡己之心也。孝子之身終終

身也者。非終父母之身。終其身也。是故父母之所愛亦愛

之。父母之所敬亦敬之。至於犬馬盡然。而況於人乎。雲莊陳氏

曰。飲食終養。終父母之身。愛所愛。敬所敬。則終孝子之身  
也。丹崖陳氏曰。父母所愛之犬馬猶愛之。況父母所愛敬

之人乎。愚按此言孝子之身。一終於孝而已也。○此二節在  
皆曾子之言。記者引之以結通章之意也。舊本此二節在

玄衣而養老之下。今詳文。○飯黍稷稻粱。白黍黃粱。稭稊  
意。而以類從。則宜在此。

稭。胄上聲。稊音促。○此章雜列食品。蓋婦主中饋。精五飯。  
潔酒漿。皆職分有所宜察。而多寡品秩。又皆禮教之所在。

故每詳舉。而歷數之。亦閨門之軌則也。此節言飯之品。有  
黃黍。稷。稻。白粱。又有白黍。黃粱。凡六者。其穀待熟而穫。則

曰。稭。生捋之。則曰稊也。舊說此諸侯之飯。天子之飯。則又  
有麥與苽。然於記文無明徵。未敢據以爲信也。下文放此。

○此下言膳之品也。牛、豕、羊、犬、雁、雞、魚、鱉、龜、麋、鹿、兔、雉、鴽、鶩、鴈、鴨、鵝、鷄、鶩、鵠、鸕、鶿、鴈、鴨、鵝、鷄、鶩、鵠、鸕、鶿、鴈、鴨、鵝、鷄、鶩、鵠、鸕、鶿。

馘側吏反○醢肉醢肉  
 馘切肉膾以腥肉腥肉

此豆醢芥醬魚

此四物第五行其二飲

重平聲○此下言飮  
之品也。已沸曰清。未

沸曰糟。以稻黍梁釀醱而三醱又各以清糟兼設。故曰重醴。蓋致飲於賓客之禮也。或以醕爲醴。黍

醅。漿水醱。醱。醱。即周禮所謂醫也。黍醱。責黍爲醱以釀酒。

漿也。水亦煮醢爲之。味薄如水也。醢，梅漿也。醢，雜糧以和水蓋以釀和濫爲酸水。卽周禮所謂涼也。

醫醕。即漿人。所掌之六飲。言不酒。清白。此言酒之品也。周禮三酒。曰事酒。昔

酒。清酒。事酒。方事於漉糟也。昔酒。久釀而熟者。清酒。羞糗。又久於昔酒。蓋事酒。昔酒。皆曰白。而清酒則曰清也。羞糗。

餌粉醅

糗起九反醅當作養

○蓋加蓋也周禮蓋籩之實

堅潔若玉珥然故謂之餌

養粉也

糗炒米麥也

蓋擣糗為屑溲而餅之其

炊稻擣之而以豆為粉糝養上也

麥食脯羹雞羹析稌犬羹兔羹和糝不蓼

杜和去聲糝思敢反

○此言進食以羹之宜也

食飯也

糝音孤稌音

反

糝音孤

糝音孤

糝音孤

糝音孤

糝音孤

醅以贏為醅也

稌稻也

糝以米屑糝肉為羹也

言進食宜用

糝

而

糝

而

糝

而

糝

醅而

糝

而

糝

而

糝

而

糝

而

糝

而

免羹也

因又言和羹之法

但和

濡豚

包苦實蓼

濡雞醃醬

以滋味糝用米屑而不用蓼也

和

濡

豚

包

實蓼濡魚卵醬實蓼濡鼈醃醬實蓼

言烹物而卵如字

○此

言烹物而卵如字

言烹物而卵如字

言烹物而卵如字

言烹物而卵如字

言烹物而卵如字

言烹物而卵如字

言烹物而卵如字

言烹物而卵如字

通烹也

苦實蓼也

肺豚者包以苦實蓼而實蓼於腹中也

肺

而

實

蓼

而

實

蓼

而

醃亦和以醃醬亦皆實蓼於腹中也

豚性多肥

腹脩

蝼醃

包苦以去其膩

蓼辛香之物實之以和其氣也

腹脩

蝼醃

包苦以去其膩

蓼辛香之物實之以和其氣也

腹脩

脯羹兔醃麋膚魚醃魚膾芥醬麋腥醃醬桃諸梅諸卵鹽

脯羹

兔醃

麋膚

魚醃

魚膾

芥醬

麋腥

醃醬

桃諸

梅諸

蚘音池○此亦用醬之宜也。蚘醢以蟻卵為醢。今燕人謂之土子醬也。膚切肉也。芥醬以芥菜子為醬也。腥生肉即膾也。諸菹也。卵鹽。鹽之成由者。治服脩用蚘醢和肺羹以兔醢烹麋膚用魚醢治魚膾以芥醬治麋腥以醢醬醢桃梅則以。凡食齊視春時羹齊視夏時醬齊視秋時飲齊視卵鹽也。冬時食音嗣齊去聲○齊劑同調之也。鄭氏曰飯宜溫羹宜熟醬宜涼飲宜寒也。或曰食視春欲其粘合也羹視夏飲其稠厚也醬視秋欲其清爽也飲視冬欲其澄澈也。凡和春多酸夏多苦秋多辛冬多醢調以滑甘。言四時滋味之宜也。素問云肝以辛瀉腎以苦補鹹瀉脾以甘補苦瀉然則四時滋味之宜各瀉其時臟之有餘而補其休囚之不足亦調變之宜也。滑味得天甘味得土。牛宜稌羊宜黍豕宜稷犬宜粱鴈宜麥故四時並用之。魚宜菰。言以性進食之宜也。愚聞之兄曰牛稌喜下溼羊黍喜高燥豕稷喜原衍犬粱喜平陸鴈麥皆喜風魚菰皆宜水物性相得故合之以為宜也。春宜羔豚膳膏臠夏宜牂鱠膳膏臊



秋宜犢麋膳膏腥冬宜鮮羽膳膏臠膳音渠臠音搜○此言四時性膳之宜也

藏牛膏膳乾鳥膳乾魚膳大膏臠小牛麋鹿子腥雞膏鮮

生魚羽鴈也膳羊膏也羔豚體脆得生草而肥故宜於春

夏月暑熱人不嗜肥膩故宜乾物且防易敗也膳麋體堅

得草實而肥故宜於秋魚以冬靜而肥鴈以冬至故冬宜

鮮羽也膳治也凡以治饌非謂治羔豚諸物也牛性順春

用牛膏和生氣也大善止夏用犬膏止生氣之過也雞性

入秋用雞膏順斂藏也羊性羣冬用羊膏物畢成也又注

疏以生旺相參及方氏燥淫疾遲強弱之說俱未知孰是

牛脩鹿脯田豕脯麋脯麋鹿田豕麋皆有軒麋俱倫反軒去

聲○以下雜舉庶羞也牛肉宜加薑桂為脩鹿及田豕麋

麋則皆宜為脯不加薑桂脩治也麋似鹿而無角鄭氏曰

軒讀為憲憲葉切也孔氏曰麋鹿田豕麋非但為脯又可

腥食皆以薑葉起之而不細切故云皆有軒不云牛者牛

惟可細切為膾不雉兔皆有毛為雉羹兔羹爵鵠鵠范芝

宜大切為軒也

桐。淺。棋。棗。栗。榛。柿。瓜。桃李。梅。杏。楂。梨。薑。桂。二音淺音陵植

側加反。○爵。瓦爵。鷄。鷄也。似鷄而圓短。色黑。蜩。青蟬。范。鋒子之未成者。如蠶蛾而色白。芝。菌也。蕈也。栢。木耳。或曰。小栗。蔞。芟也。棋。枳枸也。櫛。木瓜之類。鄭氏曰。自牛脩至此三十一物。皆人君燕食所加。庶羞也。周禮。天子羞用百二十品。記者不。大夫燕食有膾無脯。有脯無膾。士不貳羹。蔽庶能次錄云。

人耆老不徒食

秋用芥。豚春用韭。秋用蓼。脂用蔥。膏用雥。三牲用藁。和用

醯獸用梅

春用韭而秋則用芥蓼也。蔥生食則香。韭宜於熟。故  
膳用蔥芥。而豚用韭蓼也。薤似韭而葉闊。凡物以脂治者

則生用蔥以膏治者則熟用薤也。三牲牛羊豕也。麋麋羹醬也。蓋以三牲之肉爲羹則用薤而和以醯。若獸羹則和

以梅鵝羹雞羹鵝釀之蓼魴鱖炙雛燒雉薺無蓼

羹。鴛則不爲羹。而或蒸或煮。而此三者皆切蓼以和之也。魴。鰕。鰓。鱣也。此二魚皆宜蒸也。雛。小鳥。薊。蘇荏之屬。雛宜

燒熟而後加烹治。雉則或蒸或羹。凡筋不食。雞。鼈。狼去腸。

狗去腎。狸去正脊。兔去尻。狐去首。豚去腦。魚去乙。鼈去醜。

去起。呂反。尻苦刀反。○雞。鼈。鼈之伏乳者。狼似狗而尖額。

高前廣後。其腸直而不曲。狗腎氣臊。狸野貓。其類不一。其

正脊食之令人骨軟。兔無雌雄之器而尻有七孔。故尻有

毒。尻脊骨盡處也。狐亦似犬而大尾。豕之毒在腦。乙魚腮

骨也。苦而臭。腥醜。鼈頸下骨。其形類小鼈。肉曰脫之。魚曰

故謂之醜。此九者皆不利於人。故去之。

作之。棗曰新之。栗曰撰之。桃曰膽之。粗梨曰攢之。撰土免反。粗側

加反。攢咨官反。○脫去其筋膜。作斷其鱗翅。新謂拭治之。

撰揀擇也。去其蟲壞也。膽之去桃上毛也。攢之攢去其腐

壞及其中硬心也。牛夜鳴則膚。羊冷毛而毳羶。狗赤股而

此皆治擇之事也。牛夜鳴則膚。羊冷毛而毳羶。狗赤股而

躁燥。鳥鵲色而沙鳴。鬱豕望視而交睫。腥馬黑脊而般臂。

漏。磨音由。冷音零。鵲旁表反。睫音接。般斑同。漏平聲。○磨朽臭也。冷毛毛本希零。毳毛端毳結也。赤股股毛落而

色赤。躁。瘼。妄也。鵠。羽枯。白色。沙。聲破也。鬱。腐氣。望視。舉目。高。交睫。目。睫。眇。而毛交也。腥。生臭也。黑脊。脊肉黑。斑。背。背毛。斑駁也。漏。螻。通言臭如螻。雞尾不盈握。弗食。舒鴈翠。鵠

鵠。胖。舒。鵠。翠。鵠。肝。鴈。腎。鵠。奧。鹿。胃。鵠。音哭。胖。普。牛。反。鵠。音

小。贅。氣。臭。鵠。似鴈而大。鵠。鳥。綠色。赤足。宜為炙。胖。脅。旁。薄。肉也。舒。鵠。鵠。也。鴈。腎。鴈。畢。丸也。鵠。似鴈而無後趾。奧。脾。臍

也。鹿之毒在胃。此。肉。腥。細者為膾。大者為軒。或曰。麋。鹿。魚。九者亦不可食也。

為菹。膾為辟雞。野豕為軒。兔為宛脾。切葱若薤。實諸醢以

柔之。辟。音壁。軒。去聲。宛。音苑。○此下言為珍饌之法。此言

作之未審。舊有此言。記者承而用之。故稱或曰也。又言為

膾及軒之法。或用蔥。或用薤。皆置之醢中。浸漬熟。則柔。輒

洎熬煎醢加于陸稻上。沃之以膏。曰。洎熬。洎。之。純。反。熬。宜

節。舊本在皆有。惇。史之下。今以類從。移在於此。此以下言

八珍也。洎。沃。熬。煎也。陸稻。稻之宜高阜者。香美而糯。以陸

豐。己。言。司。卷之五。內則第十二。三

稻爲飯而煎醢此入珍之一也沃之謂之涇熬此入珍之一也涇母煎醢加于黍食上沃

之以膏曰涇母

母音模食音嗣○母模糊之謂黍性更爲粘糯故成而模糊然也其制與涇熬同但

以黍飯爲異耳

此八珍之二也炮取豚若將刳之剝之實棗於其腹中編

萑以苴之塗之以謹塗炮之塗皆乾擘之濯手以摩之去

其皴爲稻粉糲洩之以爲醢以付豚煎諸膏膏必滅之鉅

鑊湯以小鼎薤脯於其中使其湯母滅鼎三日三夜毋絕

火而后調之以醢醢

將腓同刳音腓剝音枯萑音完謹音

展搔息酒反洩所九反鑊戶郭反○毛曰炮將牡羊也刳

破其腹剝去其穢而以棗實其腹中合之萑蘆葦也謹謹

同以萑蘆裏之又以壘泥塗萑外而付諸火以炮之俟塗

乾而擘去其泥則毛皆隨泥而脫矣又更洗手以摩去其

皴膜使之淨於是更以稻粉糲洩調滑爲醢糊以付豚上

而後以膏煎之不言將者羊則解析其體以和於醢而煎

之也。滅沒也。必使膏沒。此豚及將也。既煎然後以大鑊燒湯而以小鼎盛此豚。將解析如肺和薺美於小鼎中。置小鼎於鑊湯中。其湯不可滅。鼎恐水之溢入也。三日夜毋絕火。微溫之而已。不熾之也。及食時則又以醯醢調和之。凡八珍之擣珍。取牛羊麋鹿麇之肉。必胾。每物與牛若一。捶三四也。擣珍。取牛羊麋鹿麇之肉。必胾。每物與牛若一。捶反側之。去其餌。孰出之。去其醎。柔其肉。擣當老反。胾。母貽反。捶。主帥反。去。起呂反。○擣。捶擊也。腠。脊肉。餌。肉中筋。醎。肉外膜。或牛或羊或麋鹿麇。要。以脊肉。皆如治牛肉之法。反側。捶去其筋。餌。推熟。則取而去其醎膜。然後切為。漬。取牛肉。必新殺者。薄膾。而以醢醢柔之。此八珍之五也。漬。取牛肉。必新殺者。薄切之。必絕其理。湛諸美酒。期朝而食之。以醢若醢醢。漬音音尖。期音基。○漬。浸也。薄切之。亦為膾也。絕其理。橫斷其肉理也。湛。亦漬也。期朝。自今朝至明朝也。至將食時。乃和之以醢及醢。或醢此珍之異於膾者。為熬。捶之。去其醎。編惟湛以美酒。故名漬。此八珍之六也。崔布牛肉焉。屑桂與薑以灑諸上而鹽之。乾而食之。施羊

亦如之。施麋施鹿施麇皆如牛羊。欲濡肉則釋而煎之以

醢。欲乾肉則捶而食之。灑色賣反。鹽去聲。火乾曰熬。先

布肉於桂上用。薑桂屑灑之。再以鹽鹽之。火乾而食之。欲

濡肉則以水潤之而煎。以醢欲乾肉則更捶使軟而食之。

此八珍也。肝膋取狗肝一。幪之以其膋濡炙之。舉燠其膋不

蓼。以狗肝幪之以腸間脂濡醢而炙之。舉皆也。合肝膋食

之不用加蓼也。此八珍之八也。舊木此節在下節之下。

今移。糝取牛羊豕之肉三如一。小切之。與稻米。稻米二。肉

一。合以為餌。煎之。此即周禮之糝食也。或牛或羊或豕。碎

餌而煎之。如取稻米舉糝溲之。小切狼臠膏以與稻米為

今之肉丸也。也。取稻米舉糝溲之。小切狼臠膏以與稻米為

也。臠音觸。醢之然反。此即周禮之醢食也。狼臠膏。狼胸

間之膏也。以稻粉糝溲而雜狼臠膏煎之。如今之油煎

也。羹食。自諸侯以下至於庶人無等。大夫無秩膳。大夫七

十而有閣

食音嗣。饌也。此言羹食則飲食所恆需無貴賤之等矣。

秩膳常膳即皮閣以爲常者也。閣以板爲之以皮置飲食之物者有閣則有秩膳矣。此二節舊本接以柔之之下。今

移於此。天子之閣左達五右達五公侯伯於房中五大夫於

閣三士於坫一

孔氏曰宮室之制中央正室正室左右爲房房外有序序外有夾室天子尊庖廚遠

故左夾室五閣右夾室五閣諸侯卑故於房中惟一房之中而五閣也大夫又卑而無嫌故亦於夾室而三閣士卑不得爲閣但於室中爲土坫以皮食五者三牲魚腊

○凡三者豕魚腊也愚按士於坫一要亦年已七十者

養老有虞氏以燕禮夏后氏以饗禮殷人以食禮周人脩

而兼用之凡五十養於鄉六十養於國七十養於學達於

諸侯八十拜君命一坐再至瞽亦如之九十者使人受五

十異糧六十宿肉七十貳膳八十常珍九十飲食不離寢



膳飲從於遊可也。六十歲制。七十時制。八十月制。九十日  
脩。唯絞紵衾冒。死而后制。五十始衰。六十非肉不飽。七十  
非帛不煖。八十非人不煖。九十雖得人不煖矣。五十杖於  
家。六十杖於鄉。七十杖於國。八十杖於朝。九十者。天子欲  
有問焉。則就其室。以珍從。七十不俟朝。八十月告存。九十  
日有秩。五十不從力政。六十不與服戎。七十不與賓客之  
事。八十齊衰之事弗及也。五十而爵。六十不親學。七十致  
政。凡自七十以上。唯衰麻爲喪。凡三王養老。皆引年。八十  
者。一子不從政。九十者。其家不從政。瞽亦如之。凡父母在。  
子雖老不坐。

特於父母之側。非有父母之命。不敢坐也。有虞氏養國老於上庠。

養庶老於下庠。夏后氏養國老於東序。養庶老於西序。殷人養國老於右學。養庶老於左學。周人養國老於東膠。養庶老於虞庠。虞庠在國之西郊。有虞氏皇而祭。深衣而養老。夏后氏收而祭。燕衣而養老。殷人冏而祭。縞衣而養老。周人冕而祭。玄衣而養老。

以上並見王制

凡養老。五帝憲三王有

乞言。五帝憲養氣體而不乞言。有善則記之。爲惇史。三王

亦憲。既養老而后乞言。亦微其禮。皆有惇史。

此節舊本在而況於人乎

之下。今移於此。憲。法其德行也。乞言。求老者之教也。養氣體。養老者之氣體。不以言煩之也。然老者有善言則記之。惇。厚也。謂之惇史。言記其厚德也。微其禮。謂乞言之際。其禮微婉。惟示以求言之意。而不敢切切以煩之。亦五帝養氣體意也。方氏曰。五帝之憲也。老者未嘗無言。要之以德爲主耳。三王之乞言。老者未嘗無德。要之以教爲主耳。○

此章專言養老。○禮始於謹夫婦爲宮室辨內外男子居外女子

居內深宮固門閨寺守之男不入女不出此節舊本在爲

下如舊本○丹崖陳氏曰夫婦人倫之始禮爲人倫而設故始謹於夫婦爲宮室以下皆謹夫婦之事鄭氏曰閨掌

守中門之禁寺掌內人之禁令男女不同施枷不敢縣於夫之樞橈不敢

藏於夫之篋笥不敢共湣浴縣音玄○橫者曰樞直者曰櫛皆以縣衣服者草廬吳氏曰

曰內外之辨非特男女爲然雖夫婦得相親者亦然夫不夫斂枕篋簞席褥器而藏

之少事長賤事貴咸如之少去聲長上聲○草廬吳氏曰器者器重之謂斂枕於篋斂簞

席於褥器重而藏之是不特夫婦之禮凡少事長賤事貴皆當如是也夫婦之禮唯及七十

同藏無間故妾雖老年未滿五十必與五日之御將御者

齊漱澣慎衣服櫛縱笄總角拂髦衿纓綦屨間去聲與音預齊側皆反

角拂髦三字衍文。○夫婦至七十而同藏無間。優老也。未及七十。則男女固必有別矣。故妾年未及五十。猶守當御之禮。婦人四十九而後血衰。無孕子之道也。五日之御。以諸侯禮言。諸侯一娶九女。其二國來媵者。六人當三夕。夫人之二媵當一夕。夫人自當一夕。雖婢妾衣服飲食必後長者。長之丈反。○丹崖陳氏曰。長者謂婢妾中妻不在。妾御莫之長者。婢妾雖賤。亦必有長幼之倫焉。敢當夕。夕如日入而夕之夕。妻與夫敵。故其當御也。日夕退之節。為從容矣。妾進御於君。則不敢當夕。見星而往。見星而還。妻在之時。其分固然。即妻而不在。妾之御亦莫敢當夕。防奪嫡之漸也。妻將生子。及月辰居側室。夫使人日再問之。作而自問之。妻不敢見。使姆衣服而對。至於子生。夫復使人日再問之。夫齊則不入側室之門。見賢遍反。姆音茂。衣去月之時也。側室。燕寢之旁室也。作。謂動作。將子生。男子設媵時也。姆。女師也。此以下皆言生子之禮。

弧於門左。女子設帨於門右。三日使負子。男射。女否。

孤音

孤。弓。帨。巾。男女所有事也。設於門之左右。以表人知也。負子以射之禮。如下文所云也。國君世子生。

告於君。接以大牢。宰掌具。三日。卜士負之。吉者宿齊。朝服。

寢門外。詩負之。射人以桑弧蓬矢六射。射天地四方。保受乃

負之。宰醴負子。賜之束帛。卜士之妻大夫之妾使食子。

如接

字齊側皆反。朝音潮。射天之射。食亦反。食音嗣。○接以大牢。以大牢接禮其子也。宰掌具。宰夫掌其接禮之具也。子生三日。乃卜士之吉者。以使之負子。吉者受宿。齊戒。至所日。乃朝服於寢門外。負子。詩承也。儀禮尸酢主人。詩懷之。亦承義也。射人。官名。射人以桑弧蓬矢授士。士受之而遂負子。以射也。保。保母。受子於士而負之。以還也。宰夫以所具之大牢。酌醴以禮負子之士。而又以束帛醢之。此皆接子之禮也。食子。乳養之也。亦於子生三日而卜擇之。凡接子。擇日。豕子則大牢。庶人特豚。士特豕。大夫少牢。國君

世子大牢。其非豕子。則皆降一等。擇日。卜日也。亦三日而

之禮也。三日而卜日。至期日而接禮之。言豕子。則太牢對

非豕子而言也。又言庶人。士大夫之禮。以見唯國君世子

乃大牢也。降一等。如與爲孺子室於宮中。擇於諸母與可

者。必求其寬裕慈惠溫良恭敬慎而寡言者。使爲子師。其

次爲慈母。其次爲保母。皆居子室。他人無事不往。上節承

子言此節。承卜母食子言。異別也。諸母。眾妾也。與。及也。可

者。雖非諸母。而可爲子師者也。寬和裕安慈愛惠順溫厚

良直恭莊敬畏也。慎謹行寡言謹言也。必擇如此者而後

使爲子師。教子之慎始也。師教以道慈順其情。保安其身

他人無事不往。一以專其教。一恐驚其子也。此國君養子

之禮。司馬氏曰。乳母不良。非惟敗亂家法。兼令所飼之

子性行三月之末。擇日剪髮爲髻。男角女羈。否則男左女

右。三月。踰一時也。髻。所存留不剪者。以其髣然。故謂之髻

及其再剪。則飾以爲兩髻者也。嚴氏曰。夾肉曰角。兩髻

也。午達日。羈三髻也。是日也。妻以子見於父。貴人則爲衣。或左或右。各一髻也。

服由命士以下。皆漱澣。男女夙興沐浴衣服。具視朔食。夫

入門。升自阼階。立於阼。西鄉。妻抱子。出自房。當楣立。東面。

見賢。偏反。爲衣。鄉皆去聲。○是日。剪髮之日也。貴人。大夫

以上。爲之衣服。朝服也。命士以下。不盛服。然亦爲漱澣。以

致潔敬也。具。視朔食。饌具如朔食。天子犬牢。諸侯少牢。大

夫特豕。土特豚也。入門。入側室之門也。側室亦有東西階。

然見於側室者。以大夫以下言也。姆。先相曰。母某。敢用時

出自房。自東房而出也。楣。門梁也。姆。先相曰。母某。敢用時

日。祇見孺子。夫對曰。欽有帥。父執子之右手。咳而名之。妻

對曰。記有成。遂左還授師。旋。相去聲。帥音率。咳。戶才反。還音

是。欽。敬帥循也。言當敬教之。是循善道也。咳。小兒笑聲。父

執子之右手。作咳笑之聲。而命之名。示愛也。記有成。言當

記斯言。教之使有子。師辯告諸婦諸母名。族中卑幼之諸婦

成德也。師。子師也。子。師辯告諸婦諸母名。族中卑幼之諸婦

諸母族中尊長之妻。由卑而達尊也。妻遂適寢。妻既見子禮畢而夫告宰名

宰辯告諸男名。書曰某年某月某日某生而藏之。宰告閭

史。閭史書爲二。其一藏諸閭府。其一獻諸州史。州史獻諸

州伯。州伯命藏諸州府。此主大夫禮言。宰家宰也。諸男凡

五家爲閭。閭史蓋卽閭胥。一閭之長也。二千五百家爲州。

州史。州伯屬吏。州伯州大夫也。閭府州府皆其藏文書之所也。藏之蓋歲終而登之司民。

以達於王也。國君則不必如是。夫入食如養禮。夫既告宰

燕寢以與妻會食。其具則視朔。世子生則君沐浴朝服。夫

具其禮則如養禮也。養禮未詳。世子生則君沐浴朝服。夫

人亦如之。皆立於阼階西鄉。世婦抱子。升自西階。君名之

乃降。朝音潮。鄉去聲。○此諸侯見世子之禮也。夫人朝服。鄭氏以爲祿衣是也。國君見世子於路寢。夫人尊不親抱子。故皆立於阼。世婦夫人之姪婦代抱其子。以自側室來見於路寢。故升自西階。其名之之禮。蓋亦如大夫也。降



皆降也。君及夫人降適燕。適子庶子見於外寢。撫其首咳。

而名之。禮帥初無辭。

適丁歷反。適子庶子謂世子之母弟。以其適夫人所生。故亦曰適。然非

世子也。則亦庶子而已。外寢舊說以為即燕寢。以側室在旁處內。故謂此為外也。撫其首異於執手。稍抑之也。奉初

如見世子之禮也。無辭。凡名子不以日月。不以國。不以隱無欽有帥云云之辭也。

疾。大夫士之子不敢與世子同名。

說見曲禮

妾將生子及月辰

夫使人日一問之。子生三月之末。漱澣夙齊。見於內寢。禮

之如始入室。君已食徹焉。使之特餼。遂入御。

此下言妾生子之禮。日一

問之。減於再問也。內寢皆燕寢之後。妻之正寢也。禮之如始入室。如初來嫁時之禮也。使之特餼。使此生子者特餼

非如常時眾妾同餼也。

公庶子生。就側室。三月之末。其母沐浴朝服

見於君。擯者以其子見。君所有賜。君名之。眾子則使有司

名之。

上節大夫庶子。此節乃言君之庶子也。庶子。妾生子也。見於君。蓋就側室見君。擯者。又此妾之擯。亦傅母

屬也。所有賜。謂君所特加恩賜者。庶人無側室者。及月辰。或曰。有賜。如鄭伯賜燕姑蘭之賜。

夫出居羣室。其間之也。與子見父之禮。無以異也。

言庶人

禮。凡父在。孫見於祖。祖亦名之。禮如子見父。無辭。

此言孫

之禮。蓋先見於父。而後見於祖。祖又名之。抑或以祖在其父未敢專名。而待祖名之也。應氏曰。辭者。夫婦所以相授

受也。祖尊。故有食子者。三年而出。見於公宮。則劬。食音嗣

其禮。而無其辭。食子者。三年而出。見於公宮。則劬。食音嗣

子者。乃出還其家。見於公宮。以告歸也。則劬。有所賜以勞

其劬。大夫之子有食母。蓋擇士之妾為之。有食母以士之

妻自養其子。養子而已。由命士以上。及大夫之子。旬而見

上時掌反。旬如字。○旬。十日也。上文所云。則貴賤皆三月而見其子。此又云。國君之禮三月而後見。若自士而上。大

夫而下。則一句而遂見其子。蓋位卑而禮減也。禮家傳聞異辭。故記者兩存其說如此。豕子未食而

見。必執其右手。適子庶子。已食而見。必循其首。見賢徧反。以上皆同。

○豕子。世子也。適子庶子。謂適夫人之次子以下也。循。猶撫也。未食而見者。重豕子也。已食而見者。後眾子也。若妾

子兒。則非有賜者。君不親名。則此必循其首者。子能食食。非庶妾之子可知矣。孔氏曰。此天子諸侯之禮。子能食食。

教以右手。能言。男唯。女俞。男鞞革。女鞞絲。食教之食音嗣。唯上聲。鞞音盤。

○自此至終篇。皆言教子女之事。食食以右手。順也。丹崖陳氏曰。唯。應之速。俞。應之緩。鞞。帶也。革。皮。絲。帛也。男用皮。

女用絲。皆剛柔之義也。六年。教之數與方名。年。卽歲也。數。一十百七千。萬。方名。東西南北。

年。男女不同席。不共食。有教之以別也。八年。出入門戶及卽席飲

食。必後長者。始教之讓。長上聲。○丹崖陳氏曰。八年。入小。學之時也。後長者。在長者後也。出。

入門戶。後長者。行之讓也。卽席後長。九年。教之數日。數上聲。○入門戶。後長者。行之讓也。卽席後長。九年。教之數日。數上聲。○

日。謂朔望六甲。十年。出就外傳。居宿於外。學書計。衣不帛。

襦袴。禮帥初朝夕學幼儀。請肄簡諒。襦而朱反。帥入聲。○

子也。十年曰幼。外傳。教學之師也。居宿。日居夜宿。書。字體

計。算法。六書九數也。襦。上衣。袴。下衣。不用帛而用布。防奢

靡也。雲莊陳氏曰。爲其太溫也。禮帥初。謂行禮皆循習初

教之方也。肄。習也。思按。初。即所謂幼儀者。幼儀。謂灋掃應對

進退之節。愛親敬長。隆師親友之道也。簡。書策。諒。信也。

謂以書策之文。請於師而肄習之。務爲實學。毋徇外而欺

人也。十有三年。學樂。誦詩。舞勺。成童。舞象。學射御。有音又勺

樂。習其器數也。誦詩。讀其篇章也。勺。象。皆樂章篇名。舞勺。

舞象。歌勺。象爲節而舞也。成童。十五以上者。射。五射。御。五

御也。象詩。今無可考。朱子曰。勺。卽酌也。卽周頌於鑠王詩

篇也。程子曰。射中鵠。舞中節。御中度。皆誠也。古人教人以

射御象勺。所養之意如此。○古人自六年以至十五。所教

者。不過如此。亦簡畧而淺近矣。今人年未弱冠。固有博學

能文。而掇科名。顯富世者。然古之成德者。比比。而今之成

德者。寥寥。古今之彼此何哉。蓋古人之教。務於實踐。今人

之教務於浮華。古人之學齊於實用。今人之學徒爲虛文。古人之教以養性情。今人之學徒夸私智。古人之營心於道德。而今人役志於富貴功名也。是故書數射御。古人之所必學者。今童子皆鄙棄之。至於男女之別。遜讓之節。麗埽應對之事。則懵然曾不一肯俯學也。從幼如此。長當奈何。則文章之美。徒長浮囂而已。欲以求其成德也。不其難哉。程子曰。天下之英才。不爲少矣。特以道學不明。故不得有所成就。夫古人之詩。如今之歌曲。雖閭里童稚皆習聞之。而知其說。故能興起。今雖老師宿儒。尙不能曉其義。況學者乎。是不得興於詩也。古人自灑埽應對。以至冠昏喪祭。莫不有禮。今皆廢壞。是以人倫不明。治家無法。是不得立於禮也。古人之樂。聲音以養耳。采色以養目。歌詠以養性情。舞蹈以養其血脈。今皆無之。是不得成於樂也。是以古之成材也易。今之成材也難。二十而冠。始學禮。可以衣裘帛。舞大夏。惇行孝弟。博學不教。內而不出。冠衣弟皆去聲。○丹崖陳氏曰。二十曰弱。始初也。禮五禮冠者。成人之道。故備學之。冠而後服備。故衣裘帛。大夏。禹樂。惇。篤也。博學於文。而不教人。恐未精也。內畜其德。而不暴於外。切於爲己也。愚按。始舞象勺者。時王之樂也。繼而

廣之以先代之樂。舉大夏爲言。蓋六樂皆在所習矣。勿軒  
熊氏曰。八年教遲讓。十年學幼儀。則已知孝弟之道矣。至  
此則益加三十而有室。始理男事。博學無方。孫友視志。三  
以篤行也。三十而有室。始理男事。博學無方。孫友視志。三  
曰壯。雲莊陳氏曰。室猶妻也。男事受田給役也。方常也。孫  
友順事朋友也。視志視其志意所向也。丹崖陳氏曰。博學  
無常。惟善是師。遜友視志。惟善是取。○漢王吉曰。夫婦人  
倫。大綱。天壽之萌也。世俗嫁娶太早。未知爲人父母之道  
而有子。是以教化四十始仕。方物出謀發慮。道合則服從  
不行。而民多死。四十始仕。方物出謀發慮。道合則服從  
不可則去。謂論理。慮謂思慮。服服事。從從君。朱子曰。方物  
出謀。則謀不過物。方物發慮。則慮不過物。方物比方以窮理  
也。又曰。方物謀慮。則是隨事謀慮。子政兄曰。謀事至而謀  
之。慮先事而預之。方物謀慮。則思不出位。而天下之理得  
矣。君臣以義合。不合則去。此古者君臣之所以各得也。後  
世則君以犬馬束縛其臣。臣則枉。五十命爲大夫。服官政。  
道以諛悅其君。而君臣之義亡矣。五十命爲大夫。服官政。  
七十致事。凡男拜尙左手。老。上言始仕。治一官之小事也。

此言服官政。統一官之大政也。致仕則致還其職事於君矣。○自二十至此。因幼學而遂畢言其進德之序。與其功業之成也。然畢生之德業。要基於始教之端。是故嚴男女之防。端長幼之序。禮讓以敦其踐履。詩樂以淑其性情。此皆教之大者。而時日方名之數。射御書計之法。又皆切於應務之用。而經理事物之所不可闕者也。弱冠以後。則不過行以篤之。擴而充之而已耳。終始本末。無他道也。此古人之教之所為切實不浮。而蒙以養正。為作聖之功也。歟。

女子十年不出。姆教婉婉聽從。執麻枲。治絲繭。織紵組紃。

學女事。以其衣服。觀於祭祀。納酒漿。簋豆。菹醢。禮相助奠。

婉音晚。枲音洗。紵音王。紃音巡。其平聲。相去聲。○丹崖陳氏曰。不出。謂不出閨門。婉。言語柔順。媿。容貌柔順。聽。有所受。從。無所違。此皆教以婦德也。執麻枲。績也。治絲繭。蠶也。紵。布帛之屬。組。亦織也。紃。繅絲類也。古人以置諸冠服縫中者。此皆教之學女事。以供衣服也。祭祀。饗先祖也。納。進也。禮相助奠。以禮相長者而助其奠也。此教以祭祀之禮也。○孟子子之母曰。婦人之禮。精五飯。晷酒漿。養舅姑。十有五年而縫衣裳而已。故有閨門之脩。而無境外之志。

笄二十而嫁有故二十三年而嫁雲莊陳氏曰十五許嫁

笄有故謂聘則為妻奔則為妾奔謂不待聘而從之也雲

父母之喪聘則為妻奔則為妾莊陳氏曰妾之為言接也

言得接見於君子而已不得伉儷也○先王制禮何以不

禁其奔而但使之為妾也曰男女之欲或有鍾人情所

不能無者逆以制之此後世政刑之治非先王之化也先

王道德齊禮有以勵其恥而使自化耳奔則為妾所以

勵之恥也關雎咏而江漢改觀章甫歌而沈猶遠去則有

以革其微者而奔於何有後世先王之禮既微則所恃以

齊民者惟在政刑之末於是男女之合有不以禮者則必

為之離異夫離異之誠是也然既已從之而復離之於情

既有所不安使之一失而再失焉於法亦未為盡善也且

羞惡之心人所固有但以惑於欲而忘之耳淫奔之女使

反而自思其心殆未嘗有不赧然者固遂其所從無為反

覆則亦已耳今壹不與其所從而又使覲面以事他人大

非所以勵其恥而適重以喪凡女拜尚右手男尚左手女

其恥則又何如先王之訓哉凡女拜尚右手男尚左手女

則之



禮記章句

卷之五

三

禮記卷之五終